

DISSERTATIO POLITICA
DE
ÆRARIO BONI
PRINCIPIS RECTE CON-
STITUENDO AUGENDO
ET CONSERVANDO,

Q V A M

DIVINA ADSPIRANTE CLEMENTIA
SUB PRÆSIDIO

VIRI AMPLISSIMI CLARISSIMIQUE

HERMANNI CONRINGII,
Philos. & Medic. Doctoris, inque hac inelyta
Iulia P.P. longè celeberrimi &c. Domini Præ-
ceptoris & promotoris sui æta-
tem observandi,


Publicæ disquisitioni exhibet

JOHAN CASPAR KOCH
CHERUSCUS.

AD DIEM AUGUSTI




HELMÆSTADI,
Typis HENNINGI MULLERI Acad. Typogr.
ANNO clc Id c lxxiii.





THE S I.



Primo Principi optima imperandi ratio meritò placet, quemadmodum pessima pessimo. Utraque verò non nisi ex duobus verè dignoscitur, ipso autore nostro Aristotele *lib. 7. polit. c. 13. ex fine scilicet, & mediis ad illum directis*. Sicuti igitur illa publicam bonis, justisque, ita hæc privatam malis etiam & iniquis artibus intendit & quærit utilitatem. Hæc libidinis suæ explendæ; illa tranquillitatis causâ quælibet suadet cogitque peragi. Hæc in præfixâ meta consequenda divini numinis, fidei, pudoris vel honestatis, & denique justitiæ aut omninò nullam, aut saltem umbratilem gerit curam; illa è contrario his, seu regula Lesbiâ, omnia & singula metitur media ad scopum suum ducentia. Indeque confieri plerumque assolet, ut hæc servilem parentium timorem vel contemptum, illa filialem pariat reverentiam; hæc gravissima odia, illa incredibilem conciliet amorem ac benevolentiam; hæc ferinas alat discordias, illa humanas serat concordias; hæc seditiones foveat & bella, illa sedationes foveat & pacem; hæc mole tandem ruat suâ, illa supra dictis firmis principiis subnixâ, immoto consistere queat talo. Qualis etenim causa, talis producit effectus.

II.

Hinc in propatulo est, qualem nos Principem in scenam nostram productum velimus, nimirum, qui justè imperium

perium sibi paraverit, idque non in beluas & servos, sed in homines & liberos habere sibi persuadeat; qui denique pii planè parentis seu patris familiàs, non austeri domini partes agere, suorum potius, quàm proprii commodi ergò, amet; simulque possit.

III.

Duo itaque in bono Principe requirimus, & voluntatem & facultatem benè imperandi: alterutro quippe deficiente, regimen ipsius mancum mutilumque est, ipsisque sæpenumero civibus *ἰνκαταφρόνητος* aut contemptibilis judicatur. Plurimum verò isthuc conferunt tria illa, quorum Aristotelis 7. *Polis. c. 13.* fit mentio: *φύσις, ἦθος, λόγος*. h. e. *natura, assuetudo, & doctrina*. Quæ quò melius in Principe se habuerint, eò melius & antiquius ipsius erit imperium. Rectissimè autem erunt in eo composita, si illorum beneficio pace belloque idonea velit ac possit consilia invenire, aut ab aliis inventa exactè dijudicare, idque expensis eorum rationibus. Hinc etiam Tyranno consilia status sui stabiliendi suppeditans Philosophus, prudenter monet, ut ad regios se componat mores, maximeque politicæ sit deditus, & in civium animos hujuscemodi de se opinionem inferat. vid. *pol. l. 5 c. 11.* Optimè siquidem Cic. *Philip. 3.* *Quàm magnum est, ait personam in rep. tueri principis, quæ non animis solum debet, sed etiam oculis servire civium!*

IV.

Ad facultatem porrò accedat oportet, ut præsuppositò populi geniò & ingenio statui tali succollando naturâ aptò omnis regiminis potestas, secluso aliorum arbitrio, penes unicum resideat Principem. Cornelius Nepos enim inquit: *non posse rempublicam benè geri multorum imperiis.* Quod ut in militia, ita omni magnarum rerum administratione saluberrimum est, teste Livio. Pulchrè item in hanc

hanc nostram mentem Seneca profatur : *nec regna socium
ferre, nec rada sciunt.* Nam sane ea est magnorum, cetera summi
virtutibus excellenrium hominum natura, idque ingenium, ut cu-
piditatibus suis & ambitioni maxime, qua sapientibus quoque no-
visissima exuitur, modum statuere vix unquam sciant, & ideo alie-
na debeant inhiberi potestate, qui excesserunt suam. Forst. ad Ta-
cir. an. Et certè in rep. Rom., unde omnium rerum magnarum
exempla meritò petuntur, quid factiones & in medio
foro primum armorum civilium tentamenta, mox intro-
duxit aperta inter cives bella, & antiqui moris corruptio-
nem & denique libertatem everrit, nisi paucorum nimia
potentia? qui cùm continuatis imperiis populi inconsultum
favorem acquisivissent, tandem illo in ipsum patriæ
exitium usi sunt. Hinc neque Cæsar superiores, nec Pompejus
parem ferre potuisse dicitur.

V.

Ab sit tamen, ut Principem nostrum fidis ac prudenti-
bus carere ministris posse, unquam adstruamus, quin
potius cum Cominæo dicamus, nullum majus indicium
bonæ mentis Principem ostendere posse, quàm si adjungat
sibi viros virtute & famâ celebres, utatur iis familiariter, de-
que gravioribus negotiis cauta cum ipsis ineat consilia.
Quemadmodum namque non infirmior manus est, quod
sit in digitos dissecta, sed est ad peragendū agilior : ita neq;
imminuitur summa potestas à pluribus explicata, & nego-
tia multis in republ. communicata facilius conficiuntur.
Non enim committitur summa potestas, nec administratio
hoc pacto à reipubl. statu plane se jungitur : ut non separan-
tur digiti à manu, nec manus à brachio, nec brachiū à cor-
pore, aut corpus à capite. Sed quemadmodū virtus animæ
per totum corpus & membra diffusa, sua per instrumenta
exsequitur mandata, sic summa potestas per ministeri Præ-
fectorum

Betr. Gre-
gor. Tho-
lof. lib. 1.
de rep. c. 11.

fectorum & Magistratum suam exercet auctoritatem. Hinc
 Theodos. & Valentin. Impp. de ministris suis præclare in
 l. 8. C. de LL. *Bene cognoscimus, quod cum vestro consilio fuerit
 ordinatum, id ad beatitudinem nostri Imperii, & ad nostram glo-
 riam redundare.* Et Plinius lib. 3. epist. *Sunt quidem, ait, cun-
 cta sub unius arbitrio, qui pro utilitate communi solus omnium cu-
 ras laboresq. suscipit: quidam tamen salubri quodam temperamen-
 to ad nos quoque, veluti rivi ex illo benignissimo fonte, decurrunt,
 quos & haurire ipsi, & absensibus amicus quasi administrare possu-
 mus.* Illi autem pro prudentibus Principis consiliariis verè
 reputandi sunt, qui non solum instructi prudentiâ univer-
 sali, sed etiam particulari, & suæ cum primis reipublicæ ex-
 actam habent notitiam. Cic. enim lib. 2. de Oras. rectè dicit:
Ad consilium de republ. dandum caput est, rempubl. nosse. At qui-
 bus & quor. modis prudentiâ ministri ferè possit explorari,
 edocet nos Ampl. Dn. Præses in *Animadv. polit. ad Mach.
 Princ. c. 22.* Nec prudentiâ solum, sed & fide præstantes o-
 portet esse viros, quos diximus. Hi verò per nosci exinde
 queunt, si amicorum ad instar & prosperam & adversam
 Principis fortunam ad se pertinere arbitrantur.

VI.

Porro jam considerandum venit, summa illa imperii
 vis ac potestas Principis quibus absolvatur numeris. Post-
 habitis autem iis, quæ nonnulli scriptores Politici mo-
 derni tradiderunt, Aristotelem potius audiamus. *Omnium*
 Arist. lib. 4
 Polit. c. 14. *inquit ille, rerum publ. res particulae sunt, quorum quid cuique
 expediat, prudentem legum scriptorem accuratè expendere oportet:
 his enim particulis benè affectis, rempubl. benè affectam esse,
 & proniuscujusq. harum partium differentiâ, reipubl. admini-
 strande formas inter se differre est necesse. Partium autem harum
 una quedam est, quæ de republ. consultat; altera, quæ in magistrati-
 bus versatur, inq. iis spectat hæc duo: primò quales esse, & deinde
 quâ*

quâ potestate, quoque pacto eligere & creare eos oporteat. Tertiâ
in judiciis cornitur.

VII.

Prima pars, quæ Aristoteli *Senatus* vocatur, maximi
momenti negotia, quæ quavis in republ. in deliberatio-
nem veniunt, quarumque, eodem teste, ut omni periculo
careat civitas, necessaria imperantibus est intelligentia,
completur. Enarrantur autem pleraque à Philosopho
partim in Politicis, partim in Rhetoricis, quæ dividi que-
unt in ea, quæ extra civilem societatem ad finitimos vel ex-
teros respiciunt, & ea quæ civilem intra societatem ter-
minantur. Prioris generis sunt bellum, custodia regionis,
importanda & exportanda, fœdera, & jus legationum. Et
hæc omnia vel belli vel commercii causa plerumque fiunt.
Posterioris sunt legumlatio, & deliberatio de redditibus
publicis, deque tributis colligendis, sive ut uno compre-
hendam verbo, de ærario. De ultimo jam nostra hæc erit
dissertatio.

II.

Ostensuri vero sumus, quemadmodum Princeps,
utpote *Senatus* istius caput, circa ærarium, tanquam non
nervis civilis sui corporis nervum, feliciter constituen-
dum, augendum & conservandum se habeat gerere, ut
hoc in negotio patris patriæ nomen apud subditos clueat.
Non abs re autem facturi videmur, si ante, in ipsa quàm æ-
arii abdita & adyta nos inferamus, Philosophum nostrum
porro sequamur ducem, & à nominis expositione ordia-
mur. Sic etenim ipsam æarii naturam eò penitus quimus
intueri, cum verba sint notæ & signa rerum atque conce-
ptuum. Primò igitur omnium investigandum erit, unde
vox æarii appellationem suam sortita sit, quor modis
suppo-

1 Rhet. c. 4.

4. Polit. c.

4. & Rhet.

c. 4.

lib. 1. post
analyt. c. 1.

supponatur, quam definitionem, quamque divisionem recipere apta sit.

IX.

Ærarii etymon quod attinet, nemini id ignotum esse arbitramur. Qui tamen volunt, consulant de eo Casp. Klock. *lib. 1. c. 2. de ærar.* qui multade hoc verba inibi facit, inciditque occasione illâ in quæstionem, quam & nostra ventilatione condignam judicamus: quonam scilicet consilio inductæ fuerint Summæ potestatis, ut, cum antea ære uterentur, tempestate subsequente, æreis repudiatis, argenteos & aureos nummos cudi fecerint? Complures vero rationes colligit Klockius, quibus alii præclarissimi quoque viri assensum præbere non verentur. Quantum autem videre est, omnes ad materiæ bonitatem intrinsecam sive naturalem mentis suæ oculos potissimum intendunt, inque illa fundamentum hujus rei situm esse opinantur. Sed nos in diversum planè trahimur, nullam metallorum bonitatem naturalem agnoscen-
tes, aliasque & maximè quidem politicas rationes subesse nobis persuadentes. Primò ex Aristotele præsupponimus, *omne nummi presium Summa potestatis civilis arbitrio deberi.* Ex quo dein consecutariò fluit, quod Excell. Dn. Præses disp. de re Num. ceu veram hypothesein edisserit: oportere scilicet nummum in potestate esse Sum. Potest. Civilis h. e. Summam Majestatem omnia circa rem nummariam debere posse constituere & dirigere, idque uti omnis nummorum fraus & corruptela prohibeatur. Vix autem, & ne vix quidem, aut certè non æquè facillè, numero innumeris æruscatorum aucupiis poterit occurrì, si ex materia vili & omnibus obvia monetæ conficiantur, præprimis in republ., cui cum externis populis multum est commercii. In quò plurium enim deveniunt manus, eo plures ipsi insidias struere contendunt falsarii. Requiritur

cit. loc.

lib. 5. Eth.
c. 1 & 1. Po-
lit. c. 6.

tur igitur ad rem nummatiam metalla rariora, atque magis in administratione libera summæ cujusque potestatis sira. Ære autem rarius esse argentum & aurum, nemini nisi ære nec dum lavando, aut æs ab argento & auro discernere nescio, non innotescit. Deinde, quò quid rarius, commune juxta diverbium, eò quoque carius esse solet. Hinc Summæ Potestates argento quàm rectissimè validius im-
posuere pretium, quàm æri, & aurum argento prætulērunt. Unde nova emergit ratio, quod videlicet argentei & aurei nummi commercii longè aptiores & commodiores; cum primis, ex quo invaluit locupletiorum commerciorum agitatio. Nummi si quidem usus & scopus unicus est publica commerciorum utilitas. Nimium vero pondus contrahentes prægravat, dum majores nummi longè difficilius minoribus circumferuntur: id quod commercii non potest non incommodare. Quæ proinde cum ita sint, firmiter statuimus, summis potestatibus metallorum raritatem, quâ nimirum auctoritati suæ ingens accresceret robor, humanæque non minus consuleretur indigentia, æneæ in argenteam & auream commutandæ monetæ principem præbuisse causam. Verùm hæc obiter.

X.

Consequitur jam ut dicamus, quorupliciter & olim & hodiernum usurpari soleat vox ærarii. Primò Romanis per ærarium indigitabatur locus vel ædificium, in quo thesauri recondabantur publici. Deinde ipsam quoque pecuniam publicam per ærarium κατὰ μετανομίαν denotatam ostendit Cicero *Tusc. 3.* his verbis: *Et quid C. Gracchus? Cum largitiones fecisset maximas, & effudisset ærarium, verbis tamen defendebat ærarium.* Hoc verò fisco rectè contradistingui in eo, quod illud fuerit Reipub. hoc verò Principis, verè contra Paulum Bursium (a) evincit Arniseus

a) Aphorism.
mor. Polit.
sect. II. A-
phorism. 14.

(b) l. 1. de (b) Confundi tertio hæc invicem legimus in nostris Dige-
jurc Ma- storum & Cod. voluminibus, & quidem inprimis l. 13. ff.
jest. c. 7. n. de jur. fisc. & l. 2. C. de quadriev. præscript. Ne tamen propte-
reâ supinæ cujusdam incuriæ Ictus Trebonianus insimule-
tur, quò crimine ab Hotomanno, viro aliàs incomparabili &
ad 10. à quo præsidium sibi potius habuisset polliceri, hîc illum

In comm.
ad insti.

impetl notat Vinnius, causam istius rei indagare est colli-
bitum. Arcessamus igitur hinc ad rem breviter & summa-
tim Reip. Romanæ iniua. Ubi Dionys. Halicar. l. 2. hist.
refert Romulum, institutorem Orbis Romani primum,
universos agros in tres divisisse partes, primamque earum
cultui divino consecrasse; alteram Reipubl. assignasse do-
minio; tertiam inter cives distribuisse. Hæc à Romulo
profecta agrorum divisio in usum bonumque cessit publi-
cum, ærariiue & fisci differentiam non introduxit. Va-
luit tamen ante imperii & principatus constitutionem,
cùm ærarium ex populi autoritate augeretur & dispensa-
retur, imò multò etiam post cùm in Principis venisset di-
tionem, omnemque suam in ipsum populus transulisset
potestatem. Augustus etenim, teste Strabone lib. ult. geo-
graph. & Zonarà in Augusto, provincias partitus est Ro-
manorum in prætorias, quæ populo erant vectigales: &
præsidiales, quæ Cæsaris fisco certum æs pendebant. Unde
dicta tributoria & stipendiaria prædia. Quo non incom-
modè referri potest illud Sueton. in Aug. c. ult. in f. Quan-
tum militum sub signis ubique esset, quantum pecunia in arario, in
fisco & vectigalium residuis. Adhæc Trajano Imp. discrimen
hocce nondum sublatum esse, Plinii junioris Panegyri-
cus ad Trajan. luculenter innuit. At fortasse, inquit, non
eâdem severitate fiscum, quàm ærarium cohibes; imò tantò majore,
quantotibi plus licere de tuo, quàm de publico credis. Et paulò
post: Quæ præcipua tua gloria est, sapius vincitur fiscus, cuius
ma la

mala causa est nunquam nisi sub bono Principe. Procedente tamen tempore, Græcis Imperatoribus magis magisque dominatum affectantibus, distinctio illa ærarii & fisci evanuit, ac utraque voce promiscue usi sunt. Id quod non solum ex sup. cit. textx. sed etiam ex *l. ult. C. de quadr. præscript.* satis superque videtur elucere. Dicitur enim ibi: *Quæ differentia, cum omnia Principis esse intelligantur, sive ex sua substantia, sive ex fiscali fuerit aliquid alienatum?* Inter res tamen fiscales & patrimoniales hoc discrepabat, quod, etsi utraque Principis sive reipubl. moderatoris erant, illæ dicebantur ipsius, quæ talis, & ideo publicæ; hæc verò propriæ Zenonis, Justiniani, & ideo privatæ. Unde & his rebus præesse iussi, peculiaria sortiti sunt nomina. Alter namque Comes sacrarum largitionum & thesaurorum appellatus, cui nimirum fiscalia erant demandata; alter verò Comes rerum privatarum, ad quem scil. harum rerum cura pertinebat, *tot. tit. C. de com. rer. priv.* cujus loco procurator patrimonii antea erat constitutus, *l. 39. §. ult. ff. de legat. 1.* Denique plane latius ærarii vocabulo usi sunt, dum etiam ad res Principis privatas fuit extensum, uti liquet ex rescripto Grat. Valent. & Theodosii, quod habetur in *l. un. C. de quest. & magistr. offic.* Hisce jam viri nomen ab Hotomanni injuria abundè assertum esse judicamus. Hodie vero plerisque in Principatibus nomine tenus, (ante quoque, subdubitemus) distinguuntur die Cammer und der Landschafft Güter / ita ut per fiscum illa, per ærarium hæc communiter denotentur. Videatur hic generosus Dn. Seckendorf, in tractatu Teutscher Fürsten Saect. part. 3. c. 1. 2. 3,

XI.

Ceterum ex his vocabuli significatis generalius nobis prævalebit: cum, uti jam ostensum, ejusmodi usu sit receptum, & nostro differendi instituto quàm maximè con-

lib. 3. c. 2.
de rep.

veniens & accommodum. Consideramus enim hoc loco ærarium, non quatenus in quavis reipubl. forma spectari potest (cùm hujus argumenti dignitas disputationem non unam, sed ingens volumen aliquod jure meritoque exposcat (verùm, prout autoritate boni & absoluti Principis unicè sustineatur; ut sup dictum. Comprehendimus idcirco æraril voce, tam, quæ à republ. Principi obveniunt percipienda & distribuenda bona, quæque Princeps, veluti dotalia, in auguratione sui Principatus, quasi per desponsationem sibi conjuncti, obtinet, quam quæ non sunt reipubl., sed à majoribus ipsi relictæ; qualia patrimonialium nomine venire assolent. Tholosanus recensitis duobus etiam tertium bonorum genus associat, quod nimirum ex illis nascitur, vel quod Principatus ratione, ad Principem redit, inque fiscalem deferitur thesaurum, & ad communem reipubl. & suam utilitatem ab ipso confertur. Hoc verò nisi prioribus jam tum inclusum, adventitium appellitamus, & sub ærarii voce non minus contineri profitemur.

XII.

Progrediamur nunc ordine ad ærarii nostri definitionem; quam diversimodè tradunt diversi. Nos vero *ærarium* definimus *pecuniam, quâ publicè, quâ privatim, autoritate Principis, legitime collectam & acquisitam.*

XIII.

Generis vicem subit hinc *pecunia*, quâ scil. omne id complexum volumus, quod nummus metiri valet; quemadmodum audit etiam apud I Ctos l. 178, & 222. de V. S. Dicimus deinde *pecuniam publicè collectam*; nimirum & materiz & finis ratione. Priori modò, quatenus communiter ex subditorum & fiscalibus profluxit bonis posteriori, quatenus ad usus destinata publicos, h. e. tam parentium, quàm impe-

imperantis. Adjungimus insimul *privatim acquisitam*, quæ spectamus eam, quæ ex Principis redditibus *καθ' ἐξοχὴν* patrimonialibus provenit, & in ipsius utilitatem unicè vertitur. Notanter autem vocamus hæc bona *καθ' ἐξοχὴν*. Patrimonialia, quod videlicet in Principis patrimonio magis esse videntur, quàm fiscalia. Transmittuntur enim illa ad heredes, licet in imperio non succedant: id quod secus in fiscalibus contingit. *Bünting. de jur. fisc. §. 3.* Porro *Principis* inquit, *autoritate colligi pecuniam*, h. e. superioritatis jure, quod Principi competit, ad ærarii Populi nimirum, vel Optimatum vel alius status differentiam; imò etiam ad discrimen arcæ aut bursæ communis, qualem pleræque civitates merè provinciales, universitates & collegia instruere ac fovere consuecunt, juxt. *l. 1. §. 1. ff. quod cujunque univers. nom.* At *Principem* quomodo consideramus, supra commonitum est. Qui nimirum monarcha est, seque suosque ita moderatur, ut eorum neminem timeat, nec à quoquam nisi ab improbo unicè timeatur, sed omni amore ac reverentia, quæ bina imperii non infirma molimina sunt, se cuivis exhibeat condignum. Denique subjecimus vocab. *legitimè*, h. e. naturæ legibus, cujusvis subditorum facultatibus, & belli pacisque tempori convenienter.

XIV.

Definitionem porro excipiat divisio. Dispersimus autem ærarium pro reddituum ususque varietate in publicum & privatum. Utrumque quid sit, ex thesi antecedente nemini poterit abundè non patescere, ut adeò ejusdem crambes recoctione hîc meritò supersedeamus. Publicum verò pro usus diversitate subdividi potest in sacrum & profanum; & hoc iterum in civile & militare, ut nimirum hoc sit, quod sagato tempore bellicis, illud quod ci-

vilibus; sacrarum verò, quod sacris rebus gerendis deserviat.

XV.

Haecenus quid ærarii vocabulo velimus intellectum, quæque ejus vera & adæquata definitio, itemque congrua divisio, sufficienter indicatum esse, arbitramur. Ante vero quàm ipsam tractationem aggrediamur, paucula, quibus: ceu hypothesibus, eam superstruamus, præmittenda sunt ne ipsorum imprudentia gressus nostros perturbet, sed pede prorsus in offenso, quò instituimus, provehamur.

XVI.

Principio igitur tenendum; quæcunque ad ærarii spectant rationem, nostræque considerationis sunt, non nisi actus existere civiles. Quævis enim, quæ indissquisitionem veniunt Politicam, ut naturâ suâ respiciunt actus, & propter actus sunt, ita desiderantur cognosci præcipuè actuum illorum gratia. *Amplif. D. Præs. c. 10. de Civ. prud.* Actiones verò civiles vocamus illas, quæ circa civium negotia inter sese occupantur, reliquis etiam civium actionibus ab hoc sensu segregatis. Jam quid aliud est ærarii constitutio, coagmentatio, & conservatio? De quibus omnibus & singulis erit locus.

XVII.

Deinde præsupponendum ex iis, quæ *lib. 8. c. d. Amplif. Dn. Præs.* latè disputavit, omnium omninò cùm actionum aliorum civilium operum, non secus ac in naturalibus, quatuor observari causas, finalem, materialem, formalem, & efficientem, in quæ accurata harum cognitione, si scilicet secundum eas singuli actus & res civiles probè examinentur, plenam & perfectam illorum consistere notitiam: argumenta etiam, certi quid de actibus & rebus istis demonstrare idonea, ex ordine sive omnium si-

ve a.

ve aliquarum illarum causarum, potissimum petenda esse. Quocirca, cum hæc omnibus civilibus actibus juxta, ac rebus sint communia, sponte sua sequitur, eadem ad ærarii negotia pertinere: adeoque non minus hîc, quàm in alio argumento Politico ad illas quatuor causarum classes esse advertendum iis, qui non plebejam & ambiguam, sed solidam & certam ærarii peritiam satagunt sibi comparare.

XIIX.

Hiscæ universim præmissis, singulos circa ærarium occupatos actus civiles nunc perpendamus. Quandoquidem verò illorum quandam constitutionem fecimus, duplex hîc oriri potest consideratio, vel scil. ærarii constituendi vel constituti. Jam & naturæ pariter & melioris intelligentiæ ratio efflagitat, ut definiamus ante, quid in constituendo eo oporteat observari, quàm quemadmodum versari circa constitutum conveniat. Naturâ enim prius est, ærarium constituere: quàm constitutum augere & conservare. Idcirco exordium de constitutione facientibus, acturum sese offert expedienda hæc quæstio Utrum Principi conducatur aut necessaria sit ærari constitutio?

XIX.

Et verò inutilem imò noxiam illam esse, nonnisi malè falsi & perfrectæ frontis Politici evincere contendunt. Quin ratiuncularum fasciculum, quò *ὑπόληψιν* ejusmodi id adstruere & confirmare audent, sæpius laudatus Casparus Klockius *lib. suo de arar.* convasavit, ac imbellibus pugnare illos periculis, oppidoque sententia suâ frustrari, quàm verissimum inibi fecit indicium. Et certè si intimius eas introspicias, pleraque de pecuniæ abutū loqui invenias, id quod vitium tamen non est ærarii, sed hominum; hæc secus, ac operis alicujus labe non arti, sed artifici est imputan-

putanda. Cæteræ sunt inanes technæ Sophisticæ, quibus non facile quenquam, nisi rectæ rationis lumine cassum, aut harum rerum imprudentem possis supplantare.

XX.

Verùm enim verò, ut quod res est dicamus, quævis reipubl. facies certum præfixum habet scopum, vitæ nempe civilis beatitudinem: ad quam pertendere non sustinet, nisi per actiones civiles, illius consequendæ proprias. Iam, acerrimo rerum publ. censore Aristotele teste, omnis vita civilis tum in pace, tum in bello occupatur, ut & ab externa vituta esse & civium inter se concordia se constare possit. Duo autem decertandi genera statuit Cicero, unum per disceptationem, alterum per vim. Positâ igitur justâ bel-
landi causâ, alteroque remedio invalido, arripiendum est alterum. Huic egregiè suffragatur Grot. de j. b. & p. lib. 1. c. 2. n. 1. *Inter prima naturæ nihil esse, inquit, quod bello repugnet, imò omnia potius ei favent. Nam & finis belli vitæ mem-
brorumque conservatio, & rerum ad vitam utilium aut retentio aut acquisitio illis primis naturæ maximè convenit, & vi, ad eam rem si opus sit, uti nihil habet à primis naturæ dissentaneum, cum a-
nimantibus singulis vires idè sint à natura attributæ, ut sibi tuen-
dis juvandisque sufficiant.* Hæc ergò vis injuriam non debet inferre sed tantummodo propulsare. Nec verò bella gerimus ob nostri nostrorumque solùm defensionem, sed etiam ut amicorum seu fœderatorum vicinorum res in tuto collocentur. Etenim non minus verè, quàm prudenter Philosophus: *Δὲ τὰς ἀδικεμένους ὑπὲρ ἑαυτῶν πολεμεῖν, ἢ ὑπὲρ συγγενῶν, ἢ ὑπὲρ ἰσχυροτέρων, ἢ συμμάχοις ἀδικεμένοις βοηθεῖν.* Oportet injuriam passos pro seipsis arma capere sive pro cognatis, & beneficis; itemque sociis injuriâ affectis auxiliari. Ubi tamen probè iterum notanda sunt, quæ Aristoteles 7, Polit. c. 14. præ-
scri-

lib. 1. c. c. &
l. 7. c. 14.
polit.

lib. 1. off.

scribit; *In re militari*, inquit, *exercendos esse cives non nego, sed hoc sine nego, ut in servitutem redigantur, qui eâ sunt indigni. Tres autem fines possunt esse laudabiles: ut primum ne serviamus aliis, deinde, ut imperium obtineamus, non quò more herili cunctos moderemur, sed quo civibus prodesse valeamus: denique, ut natura factis ad servitutem imperemus. Legum verò conditori spectandum potius, ut militarem disciplinam, & cetera ad oculum & pacem, quàm ad bellum referat & spectet. Omnino igitur, prudenti moderatori, reipubl. suæ quàm optimè consulturo, in id summâ incumbendum est curâ, ut omnia utriusque temporis momenta probè observet, neque ullum prætermittat illius juvandi & levandi locum.*

XXI.

Qui autem hoc fieri poterit, si præsidia utrique temporis accommodanda deficient? Absque iis enim quæ sunt necessaria, nec vivi, ne dicam bene & quemadmodum oportet posse vivi, rectè iudicat Aristoteles lib. 1. polit. c. 3. Turbulenta igitur reipublicæ tempestate, fortitudinem & prudentiam iuxta militarem nihil apparatu bellico magis est necessarium, nihilque utilius. Requiritur enim hic non tantùm consilia, sed etiam corpora virorum, armorum robor, valida locorum munimenta, & pabuli frumentique commeatus. Hæc vero omnia & singula non nisi immensa opum vi comparari, nedum conservari & contineri possunt. Et ne cum primis argenti possideas pondera, si non milite lecto & domestico, sed conducticio & peregrino uti habeas necesse. Hujus quippe manus oculatæ sunt, credunt quod vident; illique raro inest boni intellectus aliq̃ue cura, ut adeò, si furis, rapinis, aut denique fuga sit prohibendus, stipendia ei statò semper tempore oportet persolvantur. Morosa enim merces seditio.

nâ mater est; seditio progressum omnem militia impedit, quia

*ante omnia disciplinam soluit, subversis victoriam, & è mi-
lite hostem facit.* Eryc. Putean. de stip. mil. c. 15. in fin.
& Scip. Amirat. lib. 1. discurs. polit. in Tac. c. 11. Præclare
alias Thucydides censet: *Eam rempubl. facile vinci posse,
cujus vires sunt mercenariae & non vernaculae.* Utilissimum
itaque est, ut hæc obiter moneamus, si adversus externi
hostis insultus conducticio milite opus fuerit: ut vel totus
exercitus, vel major ejus pars ex iis colligatur, qui peri-
culo sunt proximi. Hi enim pro suâ suorumque vitâ &
pro aris ac focis fortiter dimicant, nec semper tantis alen-
di sunt sumptibus, quantis fortè remotiores.

XXII.

Deinde ut in reliquis artibus, quibus certum opus
est propositum, nihil tam desideratur, quàm certa quæ-
dam instrumenta, quibus efficiantur singula, ita quoque
milites sine his officio suo rectè perfungi nequeunt. Ars
vero militaris duplex est, vel navalis, vel terrestris. Instru-
mentorum igitur vicem subeunt Principem navigia & ar-
ma, quæ varii sunt generis, quorumque sufficientia vel ad
defendendum vel invadendum ut tempestivè armamentari-
um & portus instruuntur, immane quantum reipul. præ-
stantis interest. Hostis namque externus, hujus rei gna-
rus, bellum alicui ad utrumque parato inferre sæpenumè-
rò reformidat, consiliumque suum immutat. Rectissimè
enim sentire videtur Lampridius in Alexandro: *Nemo
provocare audeat, aut facere injuriam ei regno aut populo, quem
intelligis expeditum atque promptum ad vindicandum.* Eun-
dem quoque in modum vide sis Philosophantem Ari-
stotelem l. 7. polit. c. 11. sub fin. Nec verò rostratæ naves
& armamenta solùm necessaria sunt, sed quæ isthuc etiam
pertinens, & sine quibus ista nec parari, nec esse usui eva-
lens. Ad primum censum referimus præstantes artifices,
qui

qui ejusmodi conficiunt & extruunt : quales fabricenses vel ballistarii, artisque navium & condendarum & regendarum periti viri. Nam in bene constituta republ. & quæ salo vicina, omne artificiorum ad bellum terrâ marique idoneorum genus in promptu esse debet. Talia siquidem jam elaborata nec coemi semper possunt ab aliis; & licet possint, minus tamen apta experiundo reperias, quàm si artificibus certis singulariter efficienda injungantur. Ad secundum spectant pulvis nitratus sive bombardicus, glandes ferrei & plumbei, ellychnia, funes, currus, quadrigæ & id genus alia. His enim sine tormenta bellica & machinæ fulminales emolumento saltim isti, cui paratæ sunt, haud esse queunt. Oportunam autem horum omnium congestionem omninò exposcere pecunias, ecquis unquam negare ausit?

XXIII.

Tertiò, quanquam in munimentis plusne periculi sit, an securitatis, contrariis civilis scientiæ doctorum dissertationibus ventiletur, Aristoteles tamen rectè pro munitionum necessitate militans, adversarios nimis aniliter sentire statuit. Et profectò satis firmis nititur rationibus: *Quamvis enim*, ait, *videatur indecorum, neque magno dignum esse animo, adversus similes paucosque* (potest enim fieri interdum, ut de hoste, ejusque numero accopiis, exactè nobis constet) *murorum munimentis se tueri velle: tamen, quia saepe multitudinis, cum quâ futura nobis res est, accuratè intri nequit ratio, tantusque eorum potest esse numerus, ut à paucis, qui, licet maximi sint animi, nihil tamen sunt, quàm homines, sustineri imperus eorum nequeat, hanc vulgare, belli tempore, in murorum munimentis ponendum arbitror præsidium, nisi quis & de salute in dubium venire, & ludibrium de-*

Vid. Mach.
l. 2. disp. 24.
ad Liv. &
lib. de Prin.
c. 10 & 20.
Bodin. lib.
5. c. 5.
lib. 7. polit.
c. 11.

bere hosti malis, hâc præsertim tempestate, quâ tor tela, tot machina ad obsidendas atque oppugnandas civitates solertiſſimè excogitata sunt. Quare qui astate nostrâ mœnibus murisque civitatem cingi hanc decere perſtinaciter conſendunt, nihil mihi agere videntur aliud, ac ſi hoſti adventanti locum maxime opportunum, in condenda urbe eligendum eſſe dixerint: aut editiora, cujus generis montana loca, quibus à natura civitates quadam ſunt munita, everſenda ac tollenda: domos denique privatas nec reſtis, neque parietibus cingendas eſſe: ne ignavi, (ſi Diis placet,) atque imbelles câ ratione efficiantur cives. Promiſſam, nihil officere virtuti muros poſſe. Nam qui muro cinctas habent civitates, uti aut non uti illis, in ipſorum ſitum eſt arbitrio, prout expedire aut intereſſe ſua arbitrantur. Haſtenuſ Philoſophus. Quæ proinde cum ita ſint, extra controverſiam verum eſt, cùm hoſtes in expugnandis ejuſmodi munitis locis plurimum deſudent, in firmandis illis, regionis præſertim limitaneis, aptiſque ad id, ut accuratè muniri poſſint, non minus operæ bono collocandum eſſe Principi. Talium autem ædificationum ſtructuræ quòd Herculei planè labores quæſtusque inſumantur, vix quiſquam eſt, qui non vel experimento, vel ratione perdidicerit.

XXIV.

Quartò ad bellicas res gerendas quanta com meatuſ & annonæ ſit neceſſitudo, iſtius pleni complures extant libri, plenæ ſapientum voces, plena exemplorum veſuſtas. Sic, ut aliqua ex ijs ſaltim libemus, quando univerſus Iſrael congregatus eſt pro vindicanda injuria facta uxori Levitæ, contra Benjamin, cauſâ probatâ, ut juſtâ belli: Decem viri, inquit, eligantur è centum ex omnibus tribubus Iſrael, & centum è mille, & mille ex decem millibus, ut
com-

comportent exercitui cibaria, quò possimus pugnare contra Gabaa Benjamin. Quin & Helvetii Iulii Cæsaris tempore, bellandi cupidi, angustos se fines habere arbitrati, pro hominum multitudine, & pro gloria belli atque fortitudinis, cùm conjurassent de occupanda Gallia, prius compararunt ea, quæ ad proficiscendum pertinerent, jumentorum & carrorum quàm maximum coëmerunt numerum, sementes quàm maximas fecerunt, ut in itinere copia frumenti suppeteret, cum proximis civitatibus pacem & amicitiam confirmarunt, ad easque res conficiendas biennium sibi satis esse duxerunt: proficiscentes demum singulos trium mensium molita cibaria sibi afferre jusserunt. Et certè uterque populos se hâc in parte prudenter gessit, cùm contra sapius magis victus penuriâ, quàm effrænata pugnae ferocia exercitum consumpserit, ferroque savior fuerit fames. Hæc enim intrinsecus pugnat, nullaque potest vi repelli. Optimè hinc Vegetius: *Qui frumentum necessariumque comectum non præparat, vincitur sine ferro. Et reliquis quidem casibus subveniri quandoque potest; pabulatio & annona in necessitate nulla habent remedia, nisi ante condantur.* Ubi enim jejunos est miles, disciplina ibi militaris commodè servari nequit. Quin potius ad desperationem defectu illò perducitur, ex agmine & castris transfugit ad hostes, ausuque nefasto in proprios ac provinciales, ducibus suis proditis, omne vertere discrimen non dubitat. Vnde Xenophon brevi ejus Ducis imperium perituum esse dicit, cujus culpâ exercitus caret rebus necessarijs & comectu. Addimus etiam præterea, quod annonæ pauperiem consequatur subinde pestilens morbus, obres in necessitate comestas victui aliàs apprimè noxias: cujus impetu si invaduntur copiae, majorem non rarò persentiunt stragem, quàm ex prælio com-

Iul. Cæs.
lib. I de
bell. Gall.

lib. 3. c. 26.

Idem Veget.
lib. 3.
c. 3.

misso sperari potuisset. Quò graviorem itaque harum rerum neglectus Principi in ferre poterit noxam, eò diligentior in his colligendis ipsi cura erit reponenda. Hæc vero consistere videtur in eo, ut vel domi agriculturæ studium omnibus procuraretur viribus, vel foris magnis sumptibus egestati illi remedium quæratur. De hinc igitur in proclivi est concludere, non secus hîc, quàm in prædictis sedulam æarii constituendi accuratorem usum ad bellicos omninò Principi summe esse utilem ac necessariam.

XXV.

Nec sanè minorem ipsius utilitatem ac necessitatem pacis tempore deprehendes. Etenim cum magnos deccant magna, aliquando splendidius instruenda aut restauranda sunt loca, in quibus domicilium collocat Princeps. Imò ipsius palatium sit augustè ac præ ceteris magnificè fabrefactum oportet. Adhæc sacrarum ac profanarum, publicis usibus destinatarum, ædium solers cura Principis auctoritatem quàm maximè condecorat. Haut verò exigua hæc jure suo postulant impensas. In Principe quandoquidem quasi lumen aliquod, extinctis aliis, elucere debet magnificentia. At *magnificus*, juxta Aristotelem, non in suum, sed publicum decus, adeoque in ea opera, quæ diutius durant, & vel ad Dei, vel reipublicæ gloriam spectant, qualia sunt templa ac publica ædificia, est sumptuosus. Egregiè huic adstipulatur Cicero: *In ædificando*, inquit, *adhibenda & dignitatis commoditatisque diligentia, & ornanda dignitas domo, non ex domo dignitas tota querenda; nec domo dominus, sed domino domus honestanda est. Et ut in ceteris habenda ratio non sui solùm, sed etiam aliorum, sic in domo clari hominis, in quam & hospites multum recipiendi, adhibenda est cura laxitatis.* Dignitatem verò seu decorum

l. 4. Eth. c. 3.

1. Off.

rum tum rectè in his observari dicit Philosophus, si & per-^{sup. cit. legi}
sonæ, & facultatum, & operis habeatur ratio: ut scil. opus
sumptibus, & sumptus operi, & utrumque personæ in di-
gnitate corresponsdeant. Huc omninò pertinent robusti
pontes, ingentes aquarum fluctibus oppositæ moles, ma-
nufacti portus, publicæ viæ & itinera: quæ omnia ad sui
conservationem validissimo indigent ærario.

XXVI.

Porro si Principis familiæ sustentationem; si aulæ pro-
cerum salaria; si stipendia ministrorum tam sacrorum
quàm civilium, magistratuum & judicum, juventutis item
magistrorum ac ephorum circumspèctes, quorum ferè
omnium uberrimam in Principatu quamvis non nimium
diffuso, (utpote qui nobis optimus censetur) meritò licet
metere mellem; præsentario certè opus est argento. Ad-
hæc si consideres sanctam legum custodiam, cui ut Tacit.
13. ann. c. 26. inquit, *tribuendum est aliquod telum, quod
ferni nequeat*, non minus pecuniam, *quæ armorum sub-*
sidium Ciceroni dicitur, requiras. Denique cùm bonum
legislatorem non tantum criminibus pœnas definire, sed
& benè merita præmiis mactare oporteat, hisque duobus
in hominum animis valentius nihil sit, omninò etiam
Principi non solum justitiæ, sed liberalitatis etiam ac ma-
gnificentiaæ studium in his conveniet. Etenim *ut dissipan-*
do Principatus nervos prodigèntia incidit; ita sordidies ac a-
varitia attingendo constringit: utrum majore Principis da-
mino, haud facile dixerim. Alia privata domus, alia
reipublica administranda ratio est. Semper virtute quam
pecunia Princeps melius fiat. Nunquam igitur nummis par-
cendum, cùm nummis res possunt confici? quorum parsu-
monia nimia plerumque publica obfusci rei. Ludovicum

in orat.
pro Lucio
Manil.

Forstner.
in annot.
ad lib. 16.
annal. c. 31

lib 4 hist.

lib. 10. hist.

xii. Gallia Regem paucos nummos servandi studio maximarum sepè rerum occasiones amisisse, Guicciardinus tradit: cujus etiam societatem avaritiâ offensus Maximilianus Cæsar exuit: ut idem testatur. Nemo enim naturâ fidus nascitur, sed fidos oportet sibi quisque faciat: quorum comparatio nullatenus vi fit, sed potius munificentia. Egregium autem Principi & omnino necessarium est superpetas ferre miseris, optimè de republ. meritos probe remunerari, & excellentissimum quemque in suâ arte donativo aliquo colere. Hæc enim quam maximè augment famæ splendorem. Ad largiendum verò suppetere debent copiæ; siquidem hæ liberalitatis & magnificentia verum & adæquatum constituunt objectum, uti constat ex Ethic. Nicom. Ex cujus principijs etiam infra fortean deprometur, quò tandem Principis largitiones constare debeant modo. Sufficit jam per transennam quasi vidisse, quàm numero innumeræ & ad hos & ab aliis usus Principis sint expensæ; quibus ferendis ne ipsius redditus existant impares, prudens ac sedula cautio Principi erit adhibenda. Non leve namque indicium malè constitutæ reipublicæ, ubi expensa anniversaria accepti rationes æquat, imò superat. Interim ex his abunde cuivis liquebit, quanta sit ærarii in Principatu vis, quantus usus, quanta necessitas, ut proinde Aristoteles Principis ærarium stomacho haut perperam comparasse videatur. Quemadmodum enim, inquit, à stomacho cibi recepti in omnia corporis membra diffunduntur, eaque ab interitu conservant; ita Principis ærarium sufficientibus pecuniis instructum in omnes imperii partes extenditur, idque à varijs cladibus & ruinis protegit & tuetur.

Quò simili Philosophus verum ærarii constituendi finem simul includit: ad quam nunc definiendam, posita ulteriori ambage, statim accingamur, utpote cum hæc semper intentione quidem, ut loqui amant, omnium causarum sit ordine prima. Haud verò difficilis est definitio: quippe nemo non videt, bonum Principem, uti in ceteris negotiis publicis, ita etiam in civitate liberorum hominum propositum sibi habere debere commune societatis suæ bonum, sive, quod idem est, utilitatem publicam. Quò gnavius itaque huic promovendæ institerit, eò erit melior, cum boni sit illa natura, ut quò in plures diffundatur, eò sit præstabilius, quemadmodum & 3. *Top.* & 1. *Nicom.* edocet Aristoteles. Et Cicero 1. *off.* *Omnino*, ait, *qui reip. præsaturi sunt, duo Platonis præcepta teneant: unum, ut civium utilitatem sic tueantur, ut, quicquid agunt, ad eam referant, obliuiscimur suorum: alterum, ut totum reipubl. corpus curent; ne, dum partem aliquam tueantur, reliquas deserant. Ut enim tutela, sic procuratio reipubl. ad utilitatem eorum, qui commisi sunt, non ad eorum, quibus commissa, gerenda est. Qui autem parti civium consulunt, partem negligunt, rem perniciosissimum in civitatem inducunt, seditionem atque discordiam. Cavendum igitur Principi, ne singulorum injuriæ utilitate publicâ rependantur, ut Tacitus 1. *Annal.* loquitur, sed utilitas illa & honestas semper sunt combinanda, & communi quasi vinculo copulanda. Nihil verò honestum esse potest, quod vacat justitia, optimus dicendi opifex optimè iterum prædicat. Ubi tamen omninò observandum est, quod Amplissimus Dn. Præs. præclare innuit: Nonnulla ad omnem reip. administrationem non utilia duntaxat, sed necessaria etiam esse, quæ tamen in vulgus,*

1. Off.

In Animad.
vers. Polit.
ad Mach.
Princ.

D

imò

imò etiam à quibusdam doctrinæ nomine eminentibus existimantur ab honesto abire, cum reapse tamen nequaquam sint talia. Habet scil. in civilibus actibus cumprimis locum illud, quod *lib. 3. de off.* non minus eleganter docet Cicero: quod nimirum multa videantur inhonesta, quæ inhonesta non sunt: quod item multa, quæ videntur inhonesta, temporibus fiant honesta: quod denique tempore etiam fiat, ut quod plerumque turpe haberi solet, inveniatur non esse turpe. Ita enim in hoc vitæ theatro comparatum est, propter improbitatem partim, partim & imperitiam ingeniorum, quibus cum conficiendum est, ut nonnunquam vi & dolis uti habeamus necesse. Sed cum vis alia iusta, alia iniusta; doli itidem alii boni, alii mali juxta Grotium; in imperiorum justè partorum conservationem ad vim injustam & dolos malos haut opus est, ut unquam confugiatur. Quæ proinde cum ita sint, & prudentis semper habitum sit, non modò quæ ante pedes sunt videre, sed etiam futura prospicere, bono quoque Principi prorsus conveniet, hoc in negotio non solum, quid in præsentiarum Principatui suo expediat, observare, sed in longitudinem quoque ipsi consulere.

XXIIX.

Tantum de ærarii sine dixisse sufficiat. Nunc, cum ærarium aliàs, si vacuum, instar campanæ sit sine pistillo, adeoque omninò refertum esse bonis oporteat; expediamus, ex quibus demum illud constitui fas & jura sinant. Bona autem dicuntur alia divini, alia humani juris: quorum illa Ictis dicuntur nullius, sive quæ hominum juri potestati ac commercio simpliciter sunt exempta. Hæc iterum vel mediatè seu indirectè, vel immediatè seu directè cultui & vino subserviunt. Qualia prioris generis sunt cœnobiorum villæ, prædia, sylvæ, agri, prata, vineæ, hortus, pri-

lib. 3. n. 7 &
§. de i. b.
& p.

§ 7. Instit.
& l. 1. § 6.
2. l. 9. § ult.
ff. de R. D.
l. 21. C. de
SS. Eccl.

et, primitiæ, decimæ, omnesque alii Ecclesiastici proven-
tus. Posterioris verò sunt templa, sacella, Coenobitarum
domicilia, sacri libri, baptisteria, altaria cum calicibus
patinisque, cetera sacrorum suppellectile. Estque notatu di-
gnum, quòd, quantò majori opum externarum & latifundi-
orum, ut loquitur Plinius, copia circumfluere occæperunt
Ecclesiæ, tantò magis in religionis ac honestatis ignota di-
verticula sint delapsæ: quandoquidem verissimè exclamavit
jam olim S. Bernh: *Religio peperit divitias, & filia devoravit
matrem.*

XXIX

Cùm verò in bonis duo veniant consideranda, &
res ipsæ, & earum usus, teste Philosopho 2. *Polis. c. 3.* qua-
ritur jam, an & quando hæc divini juris bona ærarii tam
civilis, quàm militaris materiem præbere, inque usus
profanos converti religione queant salvæ? Et sanè, quan-
quam aliàs facillè unaquæque res ad primam suam natu-
ram revertitur, tamen in rebus sacris & Deo semel di-
catis, atque inicitatis secus est, ut non facillè ad profanam
conditionem, in qua aliquandiu fuerunt, redeant. *Ritterf-
bus. pars. 1. c. 8. Novell. expos.* Ingenuè igitur profiteamur,
quæcunque Divinæ Majestati quâ publicè, quâ privatim,
vel donata, vel legata sunt, primariò ipsius divini nominis
gloriam, secundariò etiam proximi in his terris spectare
debent salutem. Hic etenim vitæ actionumque humana-
rum omnium supremus finis esto, cujusque gratiâ majores
nostri venerati Deum Opt. ter. max. de suâ, ut Biblia Prov. c. 3
S. loquuntur, substantia; & de primitiis fructuum suo-
rum largiti sunt egenis; propter mandatum assumpserunt
pauperes, thesaurosque suos in altissimi præceptis posue-
runt, diras unâ fruges consumere natis fucis dolorumque
quorumvis cruciatus & tormenta imprecari. Quæ id-
circo cùm ita sint, quâ jam fronte Christianorum quis-
piam

piam domus religiosas & monasteria temerè diruet, aut in formam secularem adornabit? quò vultu bona illa Ecclesiastica diripiet, inque usus aulicos & privata pervertet commoda? Quin Gentibus sive Ethnicis loca & res sacras violare maximam fuisse religionem, ab autoribus celebratè passim cum Romuli, tum XII. Tabularum leges planissimè demonstrant. Nimirum celeberrimis illis gentis suæ conditoribus Trojanis pietate olim religiosa nihil prius esse meminerant Quirites. At quibus jam manibus attrectabunt, Harpyarumque ad instar scedabunt Deo dicata, qui religionem profitentur sincerio rem?

XXX.

Cod. lib. 4.
tit. 11.

Porro si jus Iustinianæum percurras, extat inibi titulus de rebus alienis non alienandis, ubi, cum per l. 4. C. mandati, quilibet in re sua moderator & arbiter sit, Imp. communem Cti Pommonii regulam: *id quod nostrum est, sine facto*

l. lib. 43.
tit. 16. lib.
47. tit. 8. Et
C. lib. 8. t.
4. & lib. 9.
2. 33.

nostro ad alium transferri non potest, modis omnibus confirmant. Extant item interdictiones *unde vi, & de vi bonorum raptorum*. Bona vero Ecclesiastica, ceu antea dictum, non in nostris sed Dei in bonis sunt. Quo quis igitur jure in ea involabit, Deo quæ invito ad se illa transferet? Adhæc quemadmodum rerum sacrarum cupidini sacrilegorumque aulibus obicem opposcentes Imp. bonorum Ecclesiasticorum quicquam, sub quocunque prætextu, ad personam

(a) l. 4. 14.
Et Auth.
Hoc 19 por
re Cuius, C.
de sacros.
Ecl. item
Nov. 7. & 1.
Feud. 11 5.
2. (b) c. 11. q.
1. can. 1. 2 f.
4 2. 9. 12 & c.

quamcunque alienando transferri severè prohibent (a); ita quoque Conciliorum veterum à Pontificibus deinceps approbati, bonaque ex parte Gratiani decreto cum ceterorum Patrum dictis inserti Canones Ecclesiæ jura intacta venerabiliter custodiri, illæque jugiter servari volunt (b) Neque minus Comitiorum Imperialium, Augustanorum in primis, anni 1530 *Recessus* s. 6. cum his concordant. Quare ut jam omittamus severas quondam Cæsarum commina-

tiones,

uiones, poenasque sacrarum rerum expilationi & direptioni statutas, eæ recensitis deprehensu cuiusvis obvium est, divino juxta ac humano juri Ecclesiasticorum bonorum temeratores insigniter adversari.

XXXI.

Ceterum his simpliciter ita pronuntiatis, incicias si mul ire erubescimus, quod, quantumvis & Canonico (a) & Civili (b) jure privilegio immunitatis à vectigalium onere gaudeant Clerici, secus tamen sit de jure Divino; ex quo scilicet contrarium ipsius Servatoris & Apostolorum exemplis luculenter probatur Epist. Pauli ad Rom. c. 13. v. 7. Matth. 17. v. 27. & 22. v. 21. Nec obstat Genes. c. 47. v. 22. Esæ c. 7. v. 24. ad quæ respondet Golnizius in *Gymnasio de regal. vectigal. jur. c. 3. n. 29. 30.* Ratio accedit politica, quod, quemadmodum æqualibus debeantur æqualia, ita quoque æquales debeant æqualia. Atqui Clericis æquæ securitas debetur & præstatur ac aliis. Ergo illi vicissim cum suis consimilibus præstanda præstare non recusent. In universum verò quodcumque cum utilitas, tum necessitas publica id evidenter exigant & efflagitent, Princeps bona ista citra cauteriatæ conscientie formidinem quam justissimè & vectigalia efficere, & usus ad profanos usurpare potest. Necessitatis quippe nullum effugium aliud, quam velle, quod ipsa cogat. Pulchrè enim eloquentie scaturigo Cic. in ep. ad fam. 13. l. 2. *In navigando tempestati obsequi artis est, etiam si portum tenere non queas; quum verò id possis mutata velificatione assequi, stultum est eum tenere cum periculo cursum, quem ceperis, potius, quam eò commutato quò velis tandem pervenire.* Ad hæc secundum imp. Iustinianum d. Nov. 7. c. 2. *nihil est, in salutis publicæ favorem scilicet, adeò stabile inter homines aut immutabile, ut nullam pati possit mutationem, cum omnis noster status perpetuo sub motu consistat.*

(a) c. quam
quam 4. de
conf. & ex
act. c. ad
versus 7 de
immunit.
Eccl. in 6.
elem. præ
senti 30 de
confib.
(b) l. 5.
auth. cassa
& irrita C.
de SS. Eccl.
auth. Item
nulla com
munitas C.
de Episcop.
& Cler.

Legi verò atque expendi hinc meretur Grotius *lib. de i. b. & p. 3. c. 5. & 12. n. 6. & 7.* Quin imo sancta juris tam Civilis, quam Canonici volumina sacrorum alienationem urgente pietatis & necessitatis causâ omnino admittunt, nimirum si Ecclesia nimio ære alieno sit gravata; cujus rei causam Cicero *lib. 2. Off.* suggerere videtur, inquiens: *Nec ullares*

Instit. § 8.
de R. D. l. 11
Cde SS. Ec-
cles. Nov. 7.
c. 2. & 8. &
Nov. 120.
c. 9.

vehementius rem publ. continet, quàm fides: quæ esse nulla potest, nisi erit necessaria solutio rerum creditarum. Sinunt dein pro captivorum redemptione, pro pauperum alimentis, extremæque famis tempestate, Rationem subjiciunt hanc, quod videlicet haud absurdum sit, animas hominum quibuscunque inanimatis vasis ac vestimentis præferri, juxta illud D. Ambrosij: *Aurum Ecclesia habet, non ut servei, sed ut erogat, & subveniat in necessitatibus* c. 12. q. 2. c. 69. Præterea si possessiones Ecclesiæ sint minus utiles, si agri infructuosi & steriles, si ædificia collapsa, aut quæcunque tandem alia necessitatis & utilitatis ratio appareat, illorum alienationem rectè fieri libentissimè largiuntur, c. 12. q. 2. *can. 51. & Nov. 120. c. 7.* Ut verò alienatio viribus suis subsistat, accedat oportet, jure quidem Canonico vulgari, præter causæ cognitionem & Capituli consensum, Episcopi auctoritas, quâ sine facta infecta reddi potis est. Jam talis Episcopi Spartam non minus nostrum sustinere Principem, adeoque bona tam Ecclesiastica, quàm secularia ejus subesse imperio, superius dictum est. Quò circa optimè concludi posse autumamus, quòd, etiam si legibus istis Civilibus, ex ipsis justitiæ universalis fontibus quasi profluxis, adstringi nolit Princeps, Deum tamen devotus respicere habeat, diviniq; juris bona sacrum in ærarium sollicitè comportare, civile verò & militare his nunquam instruere, nisi vel pietas, vel publicæ rei commodum, vel necessitas id quàm maximè expolcere videantur. Perlustrari h. l.

Tit De.
ciet. de ec-
bus Eccl.
non alien.

mere

Nec susque deque habendum erit, quidnam bonorum illorum prius profanes, sed cum divino cultui mediata subiacentia bona Dei non sunt adeò propria, quàm quæ immediatè talia existunt, usibus profanis illa his longè aptius accommodantur, nisi horum superflua & minus necessaria suppetat copia. Ex sacro autem ærario ministeria, Ecclesiæ, Scholæ, eleemosynæ, hospitalia constitui ac sustentari debent: quemadmodum etiam in nostro Imperio Germanico Recess. 1555. §. 21. optimè est sancitum. Notandum verò cum primis est, bona sacra, alia verè talia esse, h. e. usibus sacris cedere, alia ita dici duntaxat; quandoquidem à Clericis aut sacris personis possidentur, quæ reapse profana sunt. Ad hoc alia bona sacris concessa esse à privatæ sortis hominibus, eoque publicis oneribus non subducta, alia plane immunia reddita. Illa profana, quamvis sacris possessa, utique nihil verat oneribus subicere publicis, ut & illa à prioribus donata. Imo salus reipublicæ exigit, ne illa immunitate onerum honorentur, & oneribus reipublicæ subduantur. Qua de re videantur dissertata ampliss. D. Præside lib. de Pace pag. 11. 12. 13. Animadversiones item in Bullam Innocentis p. 159. 172. 177. usque ad 187.

XXXIII.

Indignationem exinde non levem promereri videntur illi, penes quos illimitatum sacrorum jus residet, dum pietatis deposita in tot profanis monachorum abdominibus & Bachi amphoris abscondi sinunt. Quot etenim Cœnobarum è numero reperire hodiè possis, in quibus prisca illa superiorum temporum radier sanctimonia, prisca in omni scibili juventutem instituendi terveat industria;

stria; prisca posteritati consignandorum monumento-
 rum, aut insignium bibliothecarum instruendarum pro-
 pullulet libido? Næ testis est experientia (nil verò ab-
 simile loquimur) prisicarum virtutum vice externam quan-
 dam perquàm multos incessisse superstitionem, officio-
 rum autem formandæ juventutis ardorem jamdudum in
 plerisque deferbuille, secutasque demum esse literarum
 linguarumque inscitiam varias, non modò eruditæ doctri-
 næ & disciplinarum liberalium, sed & religionis Christia-
 næ corruptelas. Propalam insuper notum est, quod pin-
 gues illi & nitidi Epicuri de grege porci in cute curanda
 gnaviter operentur, varii generis exquisita bellaria stre-
 nuè degluciant, officiorum suorum longa potent oblivia,
 noctes atque dies utramvis in aurem vertant, ceterisve,
 quæ brutorum fert libido, voluptatibus libere fruiscan-
 tur. Et quod gravissimum est, inani hâc persuasione de-
 mentati ac fascinati sunt miselli, quòd in proclivi ipsis sit
 tanta ac tot designata crimina unicâ expiare Missâ, Deique
 gratiam reconciliare etiam flagitiosorum funeribus in ci-
 nerem redactis. Quod si Nobilis olim Icti Henrici Cor-
 nellii Agrippæ à Nettesheim *de incertitud. & vanitate scienti-*
arum declamationem perlustres, vah, quanta Monachorum
 narrat facinora! Lubet hîc nonnulla, quæ nil nisi eleganti-
 am & veritatem redolent, ex libro, quem *de vanitate scienti-*
arum scripsit Agrippa, quamvis non satis bonæ & no-
 tæ & famæ autor, mutuari, & his subnectere. *Sunt ad-*
huc in Ecclesia, ait, diversarum sectarum populi, Monachi &
Fratres, & Anachorite, quibus vetus lex omninò caruis, caruis
etiam Ecclesia eò tempore, quò fuit optima, nec tot ceremoniarum
ritibus implicata, qui hodie Religiosorum nomen sibi soli vendi-
cant, Sanctissimorum nomina Basilii, Benedicti, Berubardi, Au-
gustini, Francisci & similium præferentes. Et paulo post: Sed
hodie

*hodiè pauci inter eos boni, ingens autem malorum turba: siquidem
 huc tanquam in malorum omnium asylum confluunt, quoscung, sce-
 lerum conscientia terret, qui ob legum vindictam nusquam alibi
 tuti sunt. Et postea: tot cucullata moustra, barbigeri, sunigeri,
 restiferi, sacco geruli, loripede lignipede, nudipede, atrati, ni-
 gritæ, grifones, albichlamydes, versicolores, multipelles, linosto-
 lii, retiarii, palliati, chlamydati, pullati, paludati, præcincti, bra-
 chati, ac id genus aliorum turba histrionum. Et alio itidem in
 loco: Fratres mendicantes atque Beguandi, ut vocant, poster-
 gata professionum suarum sanctimonia, quæstum cum pietate com-
 mutarunt, ac si non in aliud religionem professi sint, quàm ut sub
 paupertatis titulo liceat illis impudenti mendicitate quocunque
 pervolare, & perfrida fronte importunà hypocrisis undique pecu-
 niæ corradere, nullius quæstus pudere, ac insigni sycophantia in
 choro, in foro, in templis, in scholis, in aulis, in palatiis, in pu-
 blicis & privatis colloquiis, in confessionibus, in disputationibus,
 in concionibus, è subsellis, è cathedris, è pulpitis, è suggestu im-
 pudentia artes spargere in vulgus, indulgentiarum merces
 vendere, sua benefacta emetiricere moniis, & à mercatoribus usu-
 rariis & à nobilibus prædonibus male partorum prædam extorquere,
 & à crassis civibus ac indocta plebecula superstitionis que aniculis
 emungere nummos, ac serpentis exemplo stultas mulierculas pri-
 mum allicere, & per illas aditum sibi parare ad fallendos viros; qui
 cum affectata vestium vilitate ostendant paupertatem, & vocife-
 rando prædicent spernendam pecuniam, fugiendam ambitionem,
 ipsi nihil magis curant, quàm ut plurimum pecuniæ possideant:
 atque ob id causa mare & aridam circumveniunt, omnium domos &
 tabernacula penetrant, nec sacra nisi pro mercede ministrant, eleemo-
 synasque tyrannicè tanquam tributum postulant, omnium negotiis
 se miscant, compingunt matrimonia malè coherentia, interver-
 tunt testamenta, componunt lites, reformant sacras virgines,*

*c. 65. de
 mendici-
 tate.*

*sed omnia hæc non nisi suo compendio. Hæc sunt artes fra-
trica.*

XXXIV.

Ecquis verò hoc pacto bonorum Ecclesiasticorum religionem factam rectamque manere asserat? Imò, si ulla alia, hæc verè audit vana sacrorum profanatio, quam nec necessitudo, nec incolumitas publica suadent, sed potius ceu scopulos in mari jubent devitare. Quantum enim respubl. Hispanica detrimenti capiat ex futilium Monachorum confluence, quam veluti in sinu fovet, ac profusis cotidie sumptibus alit, ostendit libellus Madritano anno 1626. editus à Petro Ferdinando Navaræta, R. M. Secretario, dum incolarum propter infrequentiam tantæ regni amplitudini oppidò consultum censet rectius, si solitiorum istorum sentina magis exhauriretur, quàm sine delectu glisci ulterius permitteretur. Verùm ne diutius extra oleas fortè vagemur, dicta sint hæc hæctenus; pace tamen Cœnobitarum illorum, quibus & naturæ & doctrinæ cultus saniolem concessit mentem, quique adeo melius edocti atque educti melioribus sese offerunt, Deum religiosè devenerantes, morumque ac literarum barbariem penitus averfantes ac detestantes. Tales quippe veros inter Ecclesiæ alumnos nomen suum dignè profitentur: ab horum vero vestigiis qui recedunt, prædictæ scilicet farinæ focii, putidorum membrorum ad instar sunt excindendi. Hæc de divini juris bonis disserere habuimus.

XXXV.

Humani juris bona nexibus humanis illigari possunt, utpote quæ hominum juri ac potestati subsunt, seu æstimationem recipiunt, *arg. l. 1. ff. de D. R.* Hæc rursum vel publica, vel privata. Illa hic dicuntur, quæ simpliciter in bonis alicujus privati non sunt, sed vel ad publicæ rei
patris

patrimonium pertinent, vel proprietate sunt publica, usu verò privatorum utilitatibus inserviunt. Specialiter autem determinari vix poterunt, cum pro rerumpubl. diversitate diverso penè sese habeant modo. Nihil enim de his certi sive naturæ, sive gentium, sive perpetuo aliquo civili jure est constitutum, sed quævis horum ex cujusque reipubl. vel legibus vel moribus dependent. Sic quæ Longobardis & postmodum etiam nostris Impp. fuerunt publica, cognosci potissimum queunt ex 2. *Feud. 56.* & jam superius laudati Generosi Domini Seckendorfs *Teutschen Fürsten State parte 3.* Congessit item multa de his Tolosanus *lib. 3. c. 2. de republ.* Qualiæcunque verò sint, sive allodialia sive feudalialia, proprietate tamen & simul usu quæ sunt publica, oneribus reipubl. sublevandis magis comparata esse reputantur. Privata bona cum Excell. Dn. Hahnio appellitamus ea, quæ singulis acquisita sunt aliquo eorum modorum, qui ad transferendum dominium habiles. Excludimus igitur hic, quæ non ex accedente facto humano vel lege, sed ex mera natura hominibus competunt: de quibus Hugo Grotius *lib. de i. b. & p. 2. c. 17. n. 2.* Includimus verò illis, tam quæ Principis patrimonialium nomine veniunt; de quibus sup. egimus, quàm quæ privatorum sunt.

XXXVI.

Quæstio nunc exsurgit duplex; an nimirum, & quæ privatorum bona honestè possint cedere ærario publico? Primam quod attinet, argumentari facilè quis possit, si, quemadmodum ex prioribus constat, divini juris bona publicum ingrediuntur ærarium, multò magis illud de his verum erit; cùm nulla hîc extet prohibitio. Sed quamvis hæc ita sint, ne tamen à nobis temerè quicquam asser- tum deprehendi queat, paucis in hoc illustrando libet

defungi. Pretereamus igitur divini oracula verbi, utpote
cujus in locis paulò ante citatis sic satis clare res decidi vi-
detur. Tantum enim abest, ut inibi veritum sit, quod
quærimus, ut eò potius quàm arctissimè adstringamur &
compellamur. Missum itidem faciamus *Novella 149. c. 2.*
licet non minus lucem quandam huc asferre potuerit. Præ-
supponamus saltim id, quod Romulidum disertissimus
Cicero off. 2. profitetur: *Hanc ab causam maximè, ut sua te-
nerentur, resp. civitatesque constitutas esse. Nam etsi, duce
naturâ, congregabantur homines, tamen specustodiarum suarum
urbium præsidia quærebant.* Sine quocunque igitur privato-
rum bona compluribus exposita sunt periculis injuriis &
violentiis, istud à benè constituta republ. citra illius inte-
ritum abesse non debet. Jam sine improborum & incon-
tinentium coërcitatione, (quam Aristot. 2. Eth. c. 3. & 1. Rhetor.
c. 14. *reipubl. medicinam* vocat,) hostiumque sine depul-
sione fieri non potest, ut privatorum res sint salvæ. Etenim
Philosopho teste, 1 Rhetor. c. 10. *improbitas & incontinen-
tia duo sunt quasi stimuli & incentiva, ut homines ledendi & ma-
lesfaciendi adversus legem capiant consilium.* Hæc verò tue in-
fectorum libidinem refrenaturus, hostiumque vim re-
pressurus & fracturus absque opibus, nihil aliud ager,
quam si cum rectâ ratione insaniat. Scite ad hanc rem Ta-
citus histor. 4. *Neque quies gentium sine armis, neque arma sine
stipendiis, neque stipendia sine tributis haberi queunt.* Et Cic.
scribit ad Q. Frat. *Cùm imperium sine velligalibus nullo
modo retineri possit, a quo animo cives parte aliquâ suorum
fructuum pacem sibi sempiternam atque otium redimere de-
bent.* Concludimus proinde, quod, si publica bona
ad sumtus tam ordinarios quàm extraordinarios fe-
rendos non sufficiant, privatorum bona, salutis com-
munis causâ, utpote tam pro administranda justitia
per

per leges & legiones, quàm pro sustentatione dignitatis & honoris Principis, vigore superioritatis territorialis, quàm rectissimè in ærarium publicum colligantur. Bonus quippe Princeps redditus suos publicos communibus deputare prius debet necessitatibus, quàm subditos gravare l. ult. C. de privileg. Dom. August. & Bocer. de jure collectarum c. 2. n. 10. Hinc ante Frideri III. Cæsaris tempora haut reperias tributum aliquod pecuniarum temere fuisse exactum: cujus rei Ampliss. Dn. Præses in prælect. suis ad Lampad. duas retulit causas; quarum altera hæc est, quod olim ea fisci atque ærarii extiterit ubertas, ut tributo indicto ad necessarios imperij usus non indiguerint. Hæc circa primam monuisse sat est.

XXXVII.

Accedimus ad alteram, ubi saltem ἐν πλάτει & in genere quæsitum fuit, quænam privatorum bona publici ærii materiem quàm commodissimè induere possint? Ad hanc pariliter enodandam, distinguimus bona illa in necessaria, utilia & voluptuaria, per hæc denotantes ea, sine quibus nec jucundè nec delicatè vivi integrum est; per illa, quibus sine non potest benè aut feliciter vivi; per ista denique, sine quibus planè non, aut ægerrinè vivitur: quæ tamen omnia, pro diversis vitæ generibus & qualitate personarum diversa, probe erunt dignoscenda. Quòd si igitur Princeps subditum temere privat necessariis, idem facit occidenti, cum hæc sint vera ipsius anima; si utilibus, privata tollit & perimit beneficentiæ seu liberalitatis officia, præcipuè quæ in largiendo occupantur. Quatenus enim deficit virtutis objectum, quod hîc sunt τὰ χεῖματα, eatenus cessat virtus ipsa. Homines autem hominum causa generatos esse, inquit Cic. 1 off. ut ipsi inter se alij alijs prodesse.

Inque hoc naturam debemus ducem sequi, & communēs utilitates in medium asferre, mutatione officiorum, dando, accipiendo, tum artibus, tum operā, tum facultatibus devincire hominum inter homines societatem. Ubi ergò exulat liberalitas, concordia ibi rara non potest non esse avis, & ubi hæc deest, ibi omnia sese perperam habent. Appositè namque Cicero- nis Lælius: Quod si exemeris ex natura rerum benevolentia con- junctionem, nec domus ulla, nec urbs stare poterit, ne agri quidem cultus permanebit. Id si minus intelligitur, quanta vis amicitia concordiaque sit, ex dissensionibus atque ex discordiis percipi potest: qua enim domus tam stabilis, qua tam firma civitas, qua non odiis atque dissidiis funditus possit everti? Quo nomine Aristoteles lib. 2. c. 3. Polit. quàm optimè reipubl. consultum esse autumat, in qua, ceteris tamen paribus, Legislatores bo- nis legibus ad concordiam & beneficentiam cives manū- ducunt. Habemus etenim à natura semina quædam & quosdam quasi furculos harum virtutum, qui bonis insti- tutis & moribus facile augescunt, & incrementa sumunt. Porro si voluptaria spectes bona, sunt hæc iidem, prout animus pessidentis: qui rectè iis utitur, bonus est, eique sunt bona; qui non rectè uti scit, malus est, illique sunt mala. Qui ita- que bonus cluit horum possessor, vix etiam istis commode egere posse videtur. Non omnis siquidem voluptas illicita est, sed quædam homini etiam necessaria, non quidem propter sese, sed propter aliud, nimirum propter sanita- tem & bonum corporis habitum. Jam qui tali percelli- tur voluptate, tantum abest, ut increpandus sit, ut Ari- stoteli Eth. 3. c. 11. temperantis potius nomen æstime- tur.

Aristot. l. 2.
c. 4. Eth.
sub fin.

XXXIIX.

Verùm enim verò ne ærario publico ex privatorum bonis nihil attributuri videamur, primò dicimus, quæ-
cunque

tuncque ex recensitis sunt superflua, quibusque non indigent privati, nec ad animi perfectionem, neque ad corporis conservationem, illa omnia & singula ubi opus fuerit, quam commodissimè ærarii publici subeunt vicem; Solent enim aliàs non quidem ex se, sed ex hominum vitio, nocumento hæc ipsis magis quam emolumento esse. Præcipuè autem id observare est de voluptuariis, quæ nimiam sæpè patiuntur stultitiam. Prudenter hinc non minus quàm verè ait Cic. 1. off. *Ludendietiam est quidam modus retinendus, ne nimis omnia profundamus, elatique voluptate in aliquam turpitudinem delabamur.* Et paulò post: *Peritinet ad omnem officii questionem semper in promptu habere, quantum natura hominis pecudibus reliquisque bestiis antecedit.* Illi enim nihil sentiunt nisi voluptatem, ad eamque feruntur omni impetu: hominis autem mens discendo alitur, & cogitando semper aliquid aut inquit, aut agit, videndique & audiendi delectatione ducitur; quin etiam, si quis est paulò ad voluptates propensior, modò ne sit ex pecudum genere, (sunt enim quidam homines non re, sed nomine,) sed si quis est paulò erectior, quamvis voluptate capiatur, accusat & dissimulat appetitum voluptatis propter verecundiam. Ex quo intelligitur, corporis voluptatem non satis esse dignam hominis præstantia, eamque contemni & reiici oportere: *si sit quispiam qui aliquid tribuat voluptati, diligenter ei tenendum esse modum ejus fruenda.* Itaque victus cultusque corporis ad valetudinem referantur & ad vires, non ad voluptatem. Atque etiam si considerare volumus, quæ sit in natura excellentia & dignitas, intelligemus, quàm sit turpe diffuere luxurià & delicate ac mollioriter vivere: quamque honestum parcè, continenter, severè, sobrieque. Aurea certè hæc sunt verba, & cedro Parioque marmore dignissima: ex quibus apparet, longè satius esse, quod bona superflua in usus cedant publicos, quàm cum reip.

ipso

ipsorumque possessorum intertrimento & discrimine inutiliter consumantur ac perdantur. Interest enim plurimum rei publi. ne quis re suâ malè utatur.

XXXIX.

Deinde ex quorum privato tetentionis commodo publicum erumpere incommodum, ex erogationis verò damno ingens rei publi. emergere & accrescere potest lucrum, illa quoque justam ærarii publici exhibent materiam. Bono namque viro itemque civi bono publica salus semper antistare debet privatæ. Consulamus iterum hac de re optimè sentientem, optimeque loquentem Tullium nostrum: *Bonum, ille inquit, virum decet, de ceterorum commodis æquè laborare ac de suis; bonum verò civem sua omnia posteriora habere, patria commoda prima & maxima ducere; à quibus neque dolore, neque ulla omninò humanà avelli peturbatione debemus.* Et 1. Off. *Magna illa communitas est, quæ conficitur ex beneficiis ultro citroque datis, acceptisque: quæ mutua & grata dum sunt, inter quos ea sunt, firma devinciuntur societate; sed cum omnia ratione animoque lustraveris, omnium societatum nulla est gratior, nulla carior, quàm ea, quæ cum republ. est unicuique nostrum. Cari sunt parentes, cari liberi, propinqui, familiares: sed omnes omnium caritates patria una complexa est. Pro qua quis bonus dubitet mortem oppetere, si ei sit profuturus? Quò est detestabilior istorum immonitas, qui lacerarunt omni scelere patriam, & in ea funditus delenda occupati & sunt & fuerunt. Sed si contentio quædam & comparatio fiat, quibus plurimum tribuendum sit officii; principes sunt patria, & parentes, quorum beneficiis maximè obligati sumus. Item 2. de legibus Necessè est patriæ charitatem præstare, pro quâ mori, & cui nos dedere, & in qua nostra omnia ponere & quasi consecrare debemus. Egregiè etiam cum hisce congruit Plato in S. de Legib.*

Patria,

Patria, inquit, magis amanda est, quam mater, quia est quiddam divinum. Hac enim omnia patriæ appellatione continentur, quæ verè sunt res divina, videlicet Religiones, leges, propagatio civium, artes, judicia, disciplina, contractus &c. Et Levinus Consul apud Livium ait lib. 26. Respubl. incolumis & privatae res facile salvas præstat, publica perdendo, tua nequicquam serves. Unde liquidò videtur constare, quod publica salus sit etiam salus privatorum seu singulorum, quodque omnibus non modò animi & corporis, sed quàm maximè opum quoque viribus anniti debeamus, ne ista labefactetur, aut planè pessum eat. Melius enim est, si non optimam, aliquam tamen habere rempubl., quàm omninò nullam. Cum igitur usu veniat, ut reipubl. parietinæ, nisi privatorum facultatibus suffulciantur, ruinam minitentur, pro incommodi vel commodi imminentis varietate non tantùm voluptuaria & utilia, sed etiam necessaria in ærarium publicum justè comportantur.

XL.

Quin imò cives vel subditi sponte nisi velint à jure suo discedere, privatasque res in usum destinare publicum, duabus potentissimis deabus, quibus comitatum venire se dixit Themistocles ad Andrios missus Legatus, SUASIONE vel VIOLENTIA à Principe omninò queunt compelli; idque, nî duæ aliæ potentiores Dæ PAUPERTAS & IMPOSSIBILITAS resistent, in solius reipubl. favorem haud injurià videtur ipsi indultum. Sane enim verum illud Taciti lib. 4. annal. Principibus summum rerum judicium Dii dederunt, subditis obsequii gloria relicta est. At cessante exactiois causâ, communis nempe salutis necessitate, istius quoque fieri debet remissio: Æquum enim est, ait Iustin. l. un. in pr. de Cad. tol. ut, quod belli calamitas ipse introduxit, hoc pacis le-

nitas sopiatur. Vnde, quod perversè nonnulli adstruere non dubitant, licere Principi absque ulla causâ publica res suas cuiusvis eripere, Clapmarius de arcan. rerumpubl. lib. 4. c. 16. ad dominationis flagitia quàm rectissimè refert. Quæ scientia, inquit, non ex alio fonte promanavit, quàm assentationis & emeretur de gratia, quo nihil turpius de iustitia sacerdote dici potest. Philo quippe lib. 1. & Pothæyias ait: Reges cum sint domini omnium, quæ in ipsorum sunt ditio, etiam eorum, quæ à privati possidentur, tamen videntur ea tantum habere, quæ procuratoribus & rationalibus suis dispensanda committunt, à quibus annuos recipiunt proventus. Et Seneca lib. 7. de benefic. c. 5. Omnia Rex possidet, non tamen dominio, sed imperio, id est protectionis, non dominij & proprietatis ratione. Hinc contra naturæ rationem inhumanitate istâ, acerbissimis videlicet tributorum exactio-nibus peccari pronuntiat Forstnerus not. polit. ad Tac. annal. 4. Principatus, pergit, conditos scimus, ut vi sublata, quæ omni-quid potentiores trahebat, ex naturæ & rationis imperio agerentur res humanæ. Quid autem ad naturam magis accedit, quàm ut quisque, partu industriâ suâ aut amicorum liberalitate, opibus fruatur? Quid rationi civili commodius, quàm ut intelligamus, quid nostrum, quidve apud nos fisci sit? Præterea sicuti leones, ursi, aliaque morsu & unguibus nocentia animalia deponunt insiram feritatem erga pascentem, parent imperanti, blandiuntur: ita nullâ re mansvescunt homines meliøre fide, quàm si opibus per industriam acquisitis Principis beneficio frui possint. Ex adverso per rerum privatarum ablationes, puta temerarias, propria in regione conscribi hostes, & exinde conjurationes proficisci, testis est Philosophus Polit. 1. c. 3. & 6. Etenim non tam omnibus fortune nudari quis potest, ut non ad vindictam ei cultellus remaneat. Prius ne-tu paternæ, quàm ablatis patrimonij obliviscuntur homines Machia-

chlavell. 3. disput. 6. Conspiraciones autem hujusmodi dis-
 cutere aut reprimere verbis, hoc opus, hinc labor est. Pau-
 ci, quos æqua redamavit Suada, id potuere. Nec satis fir-
 ma cives in officio continendi vincula sunt vis & metus:
 quæ enim ubi removeris, qui timere desierunt, incipient
 odisse. Et Comici sententiâ errat longè, qui imperium credat
 gravius esse aut stabilius, uti quod sit, quàm illud, quod amicitia ad-
 jungitur. *Plurarch. in Cat. Ma-
 jor. & Tac. in Agric. c. 32.* Males namque coactus qui suum officium facit, dum id
 resolutum iri credit, tantisper cavet, si sperat fore clam, rursus ad
 ingenium redit. Dehinc quemadmodum in abdito cohi-
 bita flamma, datâ portâ, in incendiû tandem erumpit, sic
 quoque elandestinx conjurationes, quæ ex desperatione,
 ultimis consiliorum præcipitiis, quibus aut petit, aut per-
 dit, animum aperiante proveniunt, rerum publicarum non
 raro everfiones existunt. Experti id sunt malè sano consi-
 lio & infelici exitu Carthaginenses. Hi enim superbè & a-
 variter Africanis imperitabant, mediam fructuum partem
 auferentes tributa duplicantes & solos probantes mini-
 stros & præfectos, non qui clementer benigneque popu-
 los tractassent, sed qui grandem æratio pecuniam per fas
 nefasque corrasam intulissent. Quibus rebus factum est,
 ut pleræque civitates seditiosis militibus postea accede-
 rent. Polyb. lib. 1. c. 72. Et cur Belgæ Philippi Hispaniarum
 Regis Imperitum exuere? Ob nullam magis aliam causam,
 quàm duram Albani Ducis dominationem. Cum enim
 eos potentiâ valdè auctos & nimis divites esse vidisset, de-
 cimam rerum venalium mobilium, vicesimam immobi-
 lium, & centesimam de universis bonis tam móbilibus
 quàm immobilibus, per Carolum Emericum Berlaimon-
 tium & Noercarmium, promissis & minis ab illis extorsit. Me-
 teran. lib. 4. annal. Belgic. in priuc. & Jacob. Aug. Thuan. lib. 50.

*hifl. Ut verò initia fe habuerunt, ita cetera quoque fecuta
funt. Hinc idem Thuan. lib. 51. Durâ hac Albani dominatione
& intolerabili jugo oppreffa in Belgio civitates, odium capitale
contra Hispanos conceperunt, & ex desperatione ad defectionem
fpectarunt, mortemque pra ſervitute illa optarunt.*

XLI.

Adhæc, etiamſi omnis fe ulciſcendi & vindicandi
via civibus præciſa ſit, propter intolerabilem tamen tribu-
torum exaſperationem regiones ſuas deſerere, & aliò con-
fugere sæpenumerò adiguntur. Aſt peſſimè agitur cum
illa republ., quæ incolarum laborat penuriâ; quia tantum
abeſt, ut adeò ſecuraqueat eſſe, quàm quæ hujus vitij ex-
pers eſt, ut potius ad ſui inclinet interitum. Id quod in
Hispania rectè obſervatum eſt à Petro Ferdinando Nava-
reta Regis Secretario, & peculiari libello, quem ſuprajam
memoravimus, evidenter ſatis oſtenſum. Graviffimam
quoque Ducis Albæ in excoriandis Belgis ſeveritatem e-
molliturus J.Ctus Viglius Zuïchemus, rationibusque per-
emptoriis futuram & nunc præſentem Belgicarum pro-
vincialium cladem præſagiens, prudenter ſubmonuit;
ejuſmodi tributis commercia non mediocriter labefa-
ctari, imò omninò intermitteri, libertatem negotiantium
impediri, & mercium caritate inde exortâ, fore, ut opificia
ceſſent, & artifices atque negotiatores aliò migrent; quod
ſi accidat; Belgii florentiffimas toto orbe ac frequentiffi-
mas & opulentiffimas provincias ad ſummam ſolitudinem
& inopiam brevi redactum iri. Thuan. d. lib. 50. hiſlor. & Mo-
teran. d. lib. 4. annal. Belgic. Quantum contra emolumentum
ex civium & ſubditorum multitudine percipere poſſint reſ-
publ., politicè non minus quàm politicè tradit Herman-
Lather. lib. 3. c. 3. de cenſu.

XLII

Quamobrem prudens Princeps sobriè & circumspè-
 cte his versabitur, & à privatorum bonis, tanquam alie-
 nis, citra justam causam abstinere, suam securitatem in
 subditorum magis amore ac benevolentia, quàm timore
 & odio collocabit fìgetque, ne ad perniciosos, quos mon-
 stravimus scopulos impingens, salutis suæ faciat naufra-
 gium. Præprimis Regium dictum inclyti & potentissimi
 quondam Herois Jacobi I. Angliæ, Scotiæ, & Hybernæ
 Regis Principum aures subinde vellicet. *Ante alia, inquit*
Rex lib. 2. instit. ad Henricum Filium Primogenitum, noli
te locupletare, nova & gràvia tributa imponendo: sed tuorum o-
pes ac facultates certissimas tuas divitias existimato. Quà voce
 sapientissimus Princeps expressit id, quod contra Machia-
 vellum *lib. 3. diffut. de republ. cap. 16. & 25.* omnibus retro se-
 culis à prudentissimis quibusque viris assertum fuit, the-
 sauros & securitatem Principum non in subditorum ege-
 state, sed in opulenti ipsorum oculis quàm optimè sita
 & recondita esse. Eleganter etenim Constantinus Imp.
 Constantini M. filius solitus est dicere, referente Polydoro
 Virgilio *lib. 2. histor. Angl. & Europ. lib. 10. c. 1.* Melius opes à
 privatis possideri, quod apud illos fructus redderent; in arcibus verò
 Principum clausa, steriles essent & infructuosæ. Quod si inops
 egensq. sit regnum, & veluti abstruclâ pelle nudum, nec lanam da-
 bit, quàm se Princeps vestiatur, nec cetera largietur, quibus urgentem
 depellat necessitatem. Cum puteus plenus est, facilè hauritur a-
 qua, imò & exhauritur: at si vena & occulti meatus, per quos
 humor influit, exsiccentur, & fons, ex quo dimanat, exarescat,
 nullâ arte aut industria restituetur. De Alexandro quoque
 commemoratur, quòd homine levi & assentatore novis
 tributis gravandum populum ipsi suadente, egregiam ta-

lique Principe dignissimam hanc protulerit sententiam : *olitorem oâi qui radicibus herbas exscindit.* Quibus verbis significavit, regnum sicut hortum esse, populares verò arborum & plantarum instar, & quamdiu radix vivit, colligi fructus posse, exsectâ autem mox plantam arescere. Haud secus notari meretur, quod apud Herodotum extat: cùm scilicet Darius Hystaspes primos præfectos constituisset, ut in singulis provinciis tributa exigere, Cyrus ex suis quaerit, quantum adhuc pecuniæ super sit, eaque præter opinionem majori compertâ, Crœsum interrogat, num melius sit pecuniam commendare amicis, quàm servis? Respondet ille, amicis potius. Ergo, inquit Cyrus, *relinquamus amicis; nam si servi acciperent, statim distraberent.* Quò factò Cyrum patrem, Cambysem herum seu dominum, Darium quaestorem subditi nuncuparunt. Quanto itaque majore dulcedine aures nostras personat patris nomen, quàm domini, aut quaestoris, tantò quoque præstabilis erit Cyri vestigia premere, quàm Cambylis aut Darii. Et quicumque hoc in animum induxerit Princeps, effeceritque simul, ut omnes ipsius ditionis partes divitijs abundant, sinque quàm plurimæ locupletes & opulentæ domus, nullos certiores habeat quaestores ærarios, quàm subditos, nec qui pecunias ei liberalius, quoties necesse erit, suppeditent. *Boter. lib. 7. de fl. stat. c. 2.*

XLIII.

Ceterum ut ab excursu in viam revertamur, egimus de privatis ac subditis hæc in genere, quatenus illi opibus suis republ. juvare teneantur. Ut ne autem intentatum quid relinquamus, quod propè hoc observatu dignissimum videtur, paucis explanemus, an subditorum nonnulli in publicum non modò nihil debeant conferre,

sed

sed ex illo etiam iuste aliquid possint auferre ? Et sicuti omnium in universum salus reipubl. incolumitate continetur; ita, ubi opus fuerit, singulorum quoque esse, ad huius conservationem omnia sua contribuere, ex ante dissertatis nemini est obscurum. Quemadmodum enim in navi, tempestate exorta & imminente naufragio, vitæ periculo expositi sunt singuli; ita cunctis quoque in navem receptis incumbet, vel in anchoris eam firmiter tenere, vel remis velisque agere, omnemque rudentem movere, quò portum aliquem pertingant, & turbulenti pelagi fluctibus sævisque procellis se cum nave simul eripiant. Quòd si etiam focias jungere manus, & mutuas tradere operas nonnulli fortean renuunt, quibusvis cogendi sunt modis, ut vices suas debitas ad navis conservationem præstent. Idem in republ. obtingere palam est. In universum verò respubl. sublevatur & conservatur tripliciter: vel animi, vel corporis, vel fortunæ bonis: de quibus consuli potest Aristoteles *Rhetor. 1. c. 5.* Sunt iam, qui omnibus tribus; Sunt, qui duob. sunt, qui uno duntaxat eidem opitulari sustinent. Ingruente ergò necessitatis tempore Tros Tyriusque nullò discrimine meritò agetur, sed quò bonorum genere polluerit, illud reip. unicè debet; necessitate verò evanescente, æquabilis instituenda est distributio, quò quemlibet genere ipsi subvenire oporteat. Quocirca qui animi bonis, utpote curâ, consiliò, prudentiâ & sapientiâ Reipubl. præstant, hos à fortunæ corporisque bonorum collatione immunes esse debere, cum meritotum, quibus respubl. ornant, magnitudo: tùm honestas jubet ac necessitas. Quicumque enim illi tandem sint, sive Senatores, Magistratus & Iudices, sive Sacerdotes & juventutis *ἐγγεδίχται*, dum quanti quanti, posthabito ut plurimum rei privatae & familiaris

com-

commodo , publicis unicè invigilare tenentur negotiis , operam divitiis conquirendis eos nullatenus navare posse , in aprico est. Eaque propter à Principe annuis jure meritoque donentur stipendiis potius , quàm in ærarium quicquam de suo amplius comportare jubeantur. *Æquum enim est , ait Cassiodorus lib. 2. ep. 33. ut unicuique proficiat labor suus , & sicut expendenda cognoscit incommoda : ita rebus perfectis consequatur augmenta.* Quo argumento etiam contra Senatùm Romanum pro stipendiis Advocatorum disputabant Suilius & Cossutianus apud Tacit. 11. *Annal. c. 7.* Eloquentiam scilicet gratuitò non contingere : omitti curas familiares , ut quis se alienis negotiis intendat : sublatis verò studiorum pretijs etiam studia peritura.

XLIV.

Quin ab hoc immunitatis privilegio neutiquam removenda est proles Mavortia , quæ videlicet pro patriæ salute gerit arma, vitæque prodiga ipsam oppetere mortem haut dubitat. Quibus vero domi, reipubl. laboribus procul, in tranquillo desidere, resque suas quâvis legitima ratione administrare & augere licet, quorumque incolumitas tot rogatis, tot sagatis, cum vitæ etiam dispendio curæ cordique est, hos tam corporis, quam fortunæ bonis, & publicæ rei & tutoribus ejus suppetias ferre jus fasque est, Cùm enim partis & totius vicem inter se obtineant respubl. & cum Principe subditi, recte infert Aristoteles 1. *Polit. c. 4. idem & parti & toti expedire.*

XLV.

Superest hîc peregrinos seu extraneos adjungamus: de quibus non minus quæri poterit, an in alienæ reipubl. ærarium opum suarum particulam ipsos inferre, æquum

quitati non sit contrarium? Quæstionis hujus affirmati-
 vam cum Hugone Grot. *lib. de jure bell. & pac. 2. cap. 2. v. 13.*
14. & cap. 3. v. 14. rectè tuemur; cum & à salute publica &
 exterorum lucro prorsus dependeat; Etenim *secundum na-*
turam est, commoda cujusque rei cum sequi, quem sequuntur in-
commoda. Ut habetur *in l. 10. ff. de R. I.* Deinde quicunq; quæ-
 runt lucrum, eos oportet prius facere sumptus; siue æquum
 est, onera eorum hæreant ossibus, qui persentiunt com-
 moda. Præsupponamus jam, quod commercia naturalis
 societatis desiderio inter nationes intercedant, dum alio-
 rum coquiainopiæ aliorum mutuo succurrit: & quod homi-
 nes absque libero terræ marisque usu naturalem istum
 societatis suæ finem indipisci haud possint: quod denique
 hæc libertas varijs sceleratorum hominum malitijs & in-
 jurijs præpediatur. Ad reipubl. igitur clavum qui assi-
 dent, obstantia hæc claustra rumpere, vias publicas &
 littora in suis territoriis facta recta conservare, inque iis
 iter facientibus securitatem præstare omnino tenen-
 tur. Optimè hinc constitutus est Recessus Imper-
 rii Augustanus *de Anno. 1548. §. 94. & 10. 1555. §. 54.* At
 quam difficile & impensè latronum & piratarum prohi-
 betur improbitas? quantus latrunculatorum ad pacan-
 da & exploranda itinera requiritur numerus? quantos
 porro viarum publicarum, pontium ac littorum extru-
 ctio & refectio, nocturnorum luminum porrectio, & in
 sidiosorum navibus brevium positio expolcunt sum-
 ptus? Imò si hæc, uti par est, præstita non fuerint, da-
 mnum, quod peregrinantes & mercimonia vehentes ex-
 inde perpeffi sunt, ab istius territorii Principe resarciri
 sibi jure petere possunt. *Gail. 2. Obs. 64. num. 2. & seqq. Si-*
xtin. de Regal. lib. 2. cap. 2. num. 25. Quamobrem Princeps,

qui tot difficultates & onera exteriorum salutis causâ suffert, ab ijs precium aliquod in onerum compensationem justè recipit, potius, quàm officij sui pertaxus, utilissimam & maximè necessariam commerciorum propaginem extirpari sinat.

XLVI.

Deinceps quoque ejusmodi sumptuum suâ gratiâ expensorum refusionem nequaquam detrectare possunt, aut certè non debent extranei. Cum enim à Principe ipsis commerciorum attributa est licentia, cujus beneficiò ingentem faciunt & percipiunt quæstum, haud iniquum videtur esse, si vicissim inde quid compendii decerpatur. Et si, quemadmodum pastor ex ovium fructibus, Princeps ex civium emolumento potest sustentari; quidni conveniat ipsi lucrum participare peregrinorum, quibus civium fruiscei licentiâ, rerumque insuper complurium tutâ evectione Principatum quasi spoliare, suamque rempublicam locupletare concedit? Quantò proinde magis adstrictus est civium providere commodis, & nec hos quibusvis onerum præstationibus levare poterit, tantò majori devotione exteri Principis agnoscere habent beneficentiam, dum jure cum civibus æquali gaudere ipsis non negatur. His jam argumentis propositi quæsti assertionem benè niti posse tam diu nobis persuademus, donec contrarium ab alijs evincatur.

XLVII.

Nec facilè quisquam extraneorum à talibus præstationibus immunis esse debet: subditorum quippe salutis hóc remediò adeò consulitur, quàm quò omnium maximè. Hodiernis inde moribus præter Nobilitatem & superiorem & inferiorem, item Principum Legatos &
Con-

Consiliarios nemo ferè immunis est : inque eo status dignitate permoti unanimiter quasi consenserunt Principes. Quorum enim vectigalia est constituere, eorundem quoque est tollere. Neque studiosa minus cohors & personæ Ecclesiasticæ, pietatis scilicet & doctrinæ studii propagandi favore, aliquâ ab his fruuntur immunitate; quâ nimirû sunt tales, non quâ commercia aut mercaturam exercent : aliàs enim privilegiò hòc inducti, turpi lucro inhibendo à divinis cogitationibus averterentur. Gutierrez. *de gabell. q. 93. n. 25.* Quòd verò istud Ecclesiasticorum beneficium justè nonnunquam à Summis Potestatibus restringatur, imò penitus cessare jubeatur, licet favores ampliandos & odia restringenda esse, jurisprudentiæ Doctorum præcipiat schola, à nobis superius est demonstratum.

XLIX.

Hujusmodi ærarii constituendi materies unò nomine exprimitur per *vectigalia specialiter ita dicta* : cum quibus affinitatem quandam synonymicam habere videntur Gabellæ, Datia, Licentiæ, Pontivegia, Passagia, Talia, Portoria, Pedagia, Portaria, Guidagia (à Gallico *guider* ducere, quæ scilicet dantur alicui, ut rutum conducat per loca alterius, das *Belaid* / sive *Belaid* / *Zoll* *Golniz. de jur. vectigal. c. 2. n. 23.*) item Telonia, quæ vox in jur. Canon. reperitur *c. si quis Romipetas 24. qu. 3. Germ. Toll / Zoll / Mauth / Zise / accise, Ungeld / Reggeld.* Pleraque verò recensita vocabula sunt peregrina atque barbara, & ab interpretibus è sermonis Italici trivio collecta. *Calvin. in lex. lurid. voc. Gabella.* Nobis definiuntur *vectigalia*, quòd sint Principis ærarii reditus ob securum terræ marisque usum mercium vecturæ nudove transitui impositi. Unde fuit summa vectigalium divisio in *terrestria & maria*

valia. Hæc subdividuntur in *marina*, ob maris trajectu in portu dependenda: in *fluvialia*, navigantibus per flumina persolvenda: & in *ripatica* pro fluminum de ripâ ad ripam transitu præstanda. *Germ. Schrickgelder*: de quibus videatur *Besoldi thes. pract. sub L. E. Terrestris* rursus dispescuntur in *pedagia*, quæ pedites & equites numerant; in *vectoria*, quæ accipiuntur vel à domino pro mercibus currui impositis, vel ab auriga, pro rhedis, curribus, & jumentis: qualia frequentia sunt in Italia & Belgio; ut adedò hîc nemini currum vehere liceat, nisi qui pro hac licentia Magistratui certum vectigal annuatim exsolvat, vulgò *Rutschen Zoll* *Vectoria* iterum sunt vel *in specie sic dicta*, ex rebus, solo quæ vehuntur, provenientia? vel *pontivegia*, quæ ab iis exiguntur, qui pontes permeant.

XLIX.

Distinguuntur *ICtis vectigalia* hæc rectissime à *tributis*, tum personarum, quibus illorum pensio incumbit, tum rerum ratione, propter quas ea sustineri debet. *Tributa* à solis persolvuntur subditis ob tutam rerum & mobilium & immobilium possessionem. At *vectigalia* non à subditis modò, sed peregrinis etiam præstantur, solarum mobilium rerum evectionis gratiâ, quatenus nimirum illæ in emptionis venditionis, aut permutationis veniunt contractum

L.

Deinde *ICti* distinctionem inter *annonas* & *tributa* à subditis pendenda faciunt; ita ut *annona* in speciebus consistant, veluti frumento, vino, oleo, pane, carne, sale, melle, &c. *tributa* autem in corporibus, veluti fundis, auro, argento, ære, equis, vestibus, &c. quam quoque nostro posthac usui reservamus. Cum enim utraq; tam spe-

species, quàm corpora illa ærarij materiam rectè ingredi posse antèrius sit comprobatum, & non nihil restet dicere de modis, quibus ærarium ex enarratis materiis constitui & augeri oporteat, haud disconvenienter singula seorsim pertractari videntur. Inquam considerationem citra ulteriorem moram pleno nunc incedamus gradu, de quo tributis exordium faciamus.

LI.

Præmittenda verò quædam adhuc sunt; quibus quasi adjuvantiò felicius possimus progredi. *Rebus*, inquit Cicero 1. Off., quæ tractantur in vita, *modum quendam adhibentes & ordinem, honestatem & decus conservabimus*. Quemadmodum enim in fidicinium collegio sic vivendum est in vita, ne foris quid discres: *vel multò etiam magis, quò melior actionum civilium, quàm forum concensus est*. Mentem in eandem loquens videatur Aristoteles Polit. lib. 3. c. 9. Tullius quoque libro eodem 1. Off. alio simili id ipsum eleganter illustrat. Ita verò infit: *Ut pulchritudo corporis aptâ compositione membrorum movet oculos, & delectat hanc ipsò, quò inter se omnes partes cum quòdam lepore consentiunt: sic decorum quod elucet in vita, movet approbationem eorum, quibus cum vivitur, observatio ordine, & constantia, moderatione dictorum omnium auctoritatem*. Adhibenda est igitur quædam reverentia adversus homines, & optimi cujusque & reliquorum: nam negligere, quid de se quisque sentias, non solum arrogantis est, sed etiam omnino dissoluti. Hanc autem reverentiam ex iustitia vel æquitate & verecundia constare censet; illiusque partes esse, non violare homines, sed suum cuique tribuere; hujus verò non offendere. Quam decori vim, si in ullo alio civili negotio, certè in hoc nostro perspicui, & à bono Principe attendi debere judicamus.

LII.

Quod si proinde tributorum indictionem ad ararium constituendum suadeat vel utilitas vel necessitas publica: cujusmodi casus in Secretis politicis Georgii Obrechtii l. Cti. ris. 3. & in Fausti ab Aschaffenburg consil. pro arar. clas. 20. ord. 829. reperias, collectio illa secundum æquitatis normam oportet instituat; æquitas ex bonorum proportionem ponderetur & æstimetur; proportio singulas civium facultates probè dispiciendo & examinando investigetur. Aristoteles de hinc *Rhesor. 2. c. 4.* verè pronuntiat: *Eum qui de tributis dicturus est sententiam, primùm quidem nosse de cet. quantum ex quaque re civitas capiat, ut si quid præmissum, addatur: si quò minus, quàm par est, ex re alià, qua percipitur, augeatur.*

LIII.

Plurimum huc adminiculi conferet *Census*, qui nimium subditorum concernit divitias. Duplex quippe olim extitit; alter ad morum emendationem adinventus fuit: de quo Lipsius *lib. 4. Polit. c. 11.* alter in numeri, ætatis, ordinis, conditionis, dignitatum, possessionum aut fortunarum civium æstimatione & descriptione constitit; cujus forma describitur ab Ulpiano l. 4. ff. de *Censib.* Primus hujus census autor apud Romanos fuit Servius Tullius: ita enim loquens introducitur à Dionysio Halicarnassæo *Antiq. Rom. lib. 4.* *Ut autem & tributa, quæ in ararium conferuntur, ob quæ pauperes gravantur, & coguntur fœnore pecunias sumere, levius imposterum feratis, volo omnium bona censeri, & unumquemque pro censu facultatum suarum suam portionem conferre, quemadmodum in maximis optimeq. institutis civitatibus fieri audio. Iustum autem & reipub. utile hoc ipsum existimo, ut qui multa possident, multa conferant; qui vero tenui-*

omnibus facultatibus, pauca. Unde Livio lib. i. de ad. i. res
saluberrima dicitur tanto futuro imperio: ex quo belli pacisque mu-
nia non virisim, ut ante, sed pro habitu pecuniarum fierent.
Claudio Imp. vocatur opus arduum. Quod opus, ait,
quàm arduum sis nobis cum maximè, quamvis nihil ultra,
quàm ut publicè nota sint facultates nostræ, nimis magnò
experimento cognoscimus. Clapmarius lib. 4. c. 10. de Rerum
publ. arcan. appellat eum magnarum rerum publ. animam. Ut
ut verò hæc sint, quoniam de utilitate agitur publica,
nullum certè tributorum colligendorum modum hòc
conducibiliorem statuimus, ubi scil. æqualiter, per æs &
libram, pro bonorum & obventionum ratâ, pro viribus
singulorum tributa inponuntur ac distribuuntur. Sic e-
nim eò facilius ex ipsa æqualitate publicis officiis paretur.
Subscribunt nobis præter Imp. Dioclet. & Maximin. in
l. 3. C. de annon. & 1116. Imperii nostri Recessus, & præci-
puè quidem Trevirensis & Colon. de Anno 1512. §. 2. Spi-
rensis de Anno 1544. §. 26. Augustanus de Anno 1584. §. 76. 78.
& de Anno 1555. §. 115. item de Anno 1566. §. 142. Ratisbonen-
sis de Anno 1594. §. 112. & de Anno 1603. §. 57.

LIV.

Ceterùm de modi hujus forma si quid amplius sub-
jicere attinet, probamus illam, quæ hodierno usu pleris-
que in civitatibus obtinet, dum nimirum singuli cives
proferi tenentur, quantum in bonis habeant, eamque
professionem juramenti religione confirmare. Vbi ta-
men sufficere poterit, si quis rei suæ commune statuatur præ-
tium, etiam si illam propter nimium affectum suum pro
tantillò argento nemini aliàs sit concessurus, juxta l. 63.
ff. ad L. Falcid. Rectissimè quoque poena decerneretur iis, qui
malâ fide bona sua æstimant, vel omninò non profiten-
turi:

tur : id quod etiam docent verba Recess. Imperij Spirensis
de Anno 1544. §. 62. Dolus quippe malus nulli prodesse
debet. Quin Servius Tullius gravissimis fraudulentos hos-
ce coercuit supplicijs: vel enim vinculorum & mortis pœ-
nas luerunt, (*teste Livio*) vel (secundum Dionys. Halicar-
nassæum) publicatis bonis, verberibus probè casti, sunt
divenditi. De jure Saxonico contra reticentes bona, pu-
blicis collectis obnoxia, exercetur actio commissi. At si
quis profitetur quidem rem, in fraudem minoris æstimat,
id tantum quod æstimationem excedit, non tota res inci-
dit in commissum. Videantur plura hac de re in Besoldi
disc. Polit. de arar. publ. cap. 5. num. ult. At hic tenendum
quoque est, quòd pecunia subditorum otiosa, catenæ &
annuli aurei, lapides pretiosi & alia ornamenta tum viri-
lia, tum muliebria censui exempta reputentur; quemad-
modum etiam in nostro Imperio per Recessum Spiren-
sem *de Anno 1542. §. 55. & de Anno 1544. §. 43.* constitutum est.
Vbicunq; igitur hæ Constitutiones Imperiales vigorem
obtinent, ibi recensita æstimari non debent Superflua au-
tem horum abundantia, ornatum decorum seu congruen-
tem cuius statui excedens rectè sub censum cadit, nec citra
pœnæ formidinem reticenda, aut justò minoris æstiman-
da est. Cui sententiæ nostræ dicti Recessus non repugnant,
sed eodem collimantes, tacitè restrictionem hancce sup-
peditant. Permagni quippe interest, luxum omnium ma-
lorum fomitem è republ. exulare. Quæ vtrò pœna inces-
sis istis irrogari, quantaque subditorum facultatum portio
cedi ærario debeat, æquo cujusque Summæ Potestatis Ci-
vilis arbitrio relinquamus. Vtrumque tamen publicæ rei
utilitatis ac necessitatis modulò erit metiendum.

L V.

Damnamus ex adverso Tarquinii Superbi *Capitatio-*
nem,

æm quâ viticim, singulis personarum capitibus, nullâ re-
rum nec æquitatis ratione habitâ, proportionē Arithme-
ticâ non Geometricâ servatâ, tributa indicuntur. Qualis
tributi species hodiernum Turcis familiaris esse dicitur, dum
Christiani domino suo Turcico pro singulis capitibus
aureum quotannis Ungaricum tenentur numerare. Quot
igitur paterfamilias capita in sua domo aluerit, tot Un-
garicos aureos pendere necessum habet. Philipp. Cominæus
lib. 3. de bell. Neapolit. Quæ profectò durissima servitus,
summaque cum injuria est conjuncta, ut ij, qui minus ha-
bent, tantundem ac qui locupletiores existunt, persolvant.
Pone enim pauperem multâ familiâ abundantem, & divi-
tem cœlibem aut orbem, numne justum foret, pauperem
capitatione hâc gravari & divitem degravari? Cicero in-
de *lib. 4. epist. 7. ad Appium Pulchrum, capitis & ostiorum tribu-*
tum exactionem vocat acerbissimam. Concinnus de capita-
tione libellum conscripsit Iohannes Baptista Vice-Comes,
JCrus ex Collegio Mediolani: quò duas recenset Capitationis
species; alteram, quæ procedit per viam censendi seu æ-
stimandi capitis, & hanc capitationem justam appellat; al-
teram, quæ numerandi, vel pro pecunia in usum publicum
colligendâ, & hanc appellat capitationem voluntariam, vel
pro tributo Principi persolvendo, & erit capitatio impera-
ta. Prior illa considerat caput, uti quid æstimabile; cu-
jusmodi sunt ager, vinea, servi, equi, & alia hujusmodi
bona. Posteriores tantummodo numerant capita i. e. ho-
mines, & à singulis certum quid exigunt. In prima illa
non omnia capita censentur; in his omnia indistinctè, for-
tè tamen ex ætate numerantur. Sic, quod primam atti-
net, à Servio cives Romani in certas distribuebantur clas-
ses, ut qui paribus ferme divitiis essent, in eadem pone-
rentur classe, cœu Livius & Halicarnassæus citati locis testan-

tur. Qui verò nihil vel minimum in bonis habebant, sicuti extra censum, ita quoque extra classem constituebantur. Sequentibus deinde temporibus horum etiam census & classes duæ fieri cœptæ sunt: quidam enim *Proletarij* vocabantur, neque amplius quàm mille quinquecentum æris in censum deferebant; quidam verò *Capitecensj* appellati, planè nullo, aut perquam parvo ære censuebantur. Vid. Gell. *Noct. Att. lib. 16. cap. 10.* De hâc capitatione iusta, i. e. secundum iustitiam distributivam locutus est Ulp. l. 3. ff. *de Censib.* Secus Constantinus Imp. in l. unic. C. *de capitat. civ. cens. exim.* qui de secunda specie sentiens, i. e. de capitatione imperata, de qua nos hîc loquimur, voluit plebem urbanam in civitatibus Lyciæ & Pamphiliæ à capitationis vectigali immunem esse, i. e. ipsorum capita non numerari cum reliquis provincialibus, eum ad finem, ut civitates majore populi numero replerentur. Malè verò hanc Constantini legem de plebe Romana intellectam à plerisque & cum primis ab Accursio, pluribus ostendit sup. memoratus JCrus cit. *de capit. libell.*

LVI.

Sed missis hisce, illam demum Capitationem approbamus, quæ æquitate superstructa est. Hanc verò prudentia Politica rectè moderabitur, si subditorum tributarium facultates ne transgrediatur, sedulò caveat. Possunt igitur, tolerabili tamen modo, ne scil. bonis artibus & industriæ bellum indicatur, non tantùm filij filiæque familiâs pro capite redimi, verùm etiam servi, ministri, ancillæ, item bajuli Taglöhner/opifices Handwercksgesellen/qui ferè nihil in bonis possident, sed quotidie victum manu quærant. Sic capitatio à Maximiliano I. in Comitibus Wormatiæ habitis instituta, utpote cùm iustitiæ & prudentiæ moderamine injuncta sit, necessitatis tempore, nec à ratione na-

nē naturali, nec civili videtur aliena. Exemplum pariter temperatæ hujusmodi capitationis habetur *Exod. cap. 30. v. 17. & 2. Reg. cap. 15. v. 20.* De Atheniensibus denique, qui Potideam inhabitarent, pecuniâ ad bellum indigentibus, refert Camerarius *lib. 2. Oeconom.* quod jussertint profiteri cunctos censum bonorum, non simul universorum in tribu sua singulos, sed ita, ut quòque loco quicquam possideretur, ut pauperes æstimationem subicere possent. Si quis verò prorsus nihil possideret, ejus capitis æstimatio erat minatum duarum. Hinc tributum, quod exigebatur à singulis, integrum conferebatur.

LVII.

Præterea circa tributorum indictiones provinciarum situs diversitatem accuratè tenere, Principis operæ pretium erit. Prudenter enim Forstnerus *in not. Polit. ad l. 4. Annal. Tac. p. 451.* observavit: *Veteres limitanea regnorum loca non tam gravibus tributis atque ea, quæ in medietate regni sita sunt, onerasse; metu nimirum defectionis.* Cujus rei exemplum propriâ, tum alienâ experientiâ collegit, collectâque citato loco combinavit. Similiter & æquum & publicè utile erit, ut quæ loca bellum aliæque calamitates affligerent & exulcerarunt, tributorum aliarumque rerum immunitatibus ad tempus juventur, ne in perpetuum jaceant, sed amissas & dissipatas vires recuperent. Hinc Byzantiis, magnitudine onerum urgente, finem aut modum orantibus, annitente principe Claudio, qui bello recens fessos juvandosque retulit, tributa in quinquennium à Romanis sunt remissa. Vid. *Tac. ann. 12. c. 63. v. 4.*

LIX.

Denique in Principatu novo, cum primis eo, quem sibi Princeps vel viribus acquisivit proprijs, vel alienis, dum

scilicet collatores sunt potentiores ipsò, aut ijs, quorum opibus ac fortunâ unicè subnititur, extraordinarias antecessoris sui tributorum indictiones, quantum commodè fieri poterit, vel amoliri, vel magnam partem diminuere debet, quò mitius imperium speretur, & subditorum animi præsentis status reddantur amantiores. Etenim huiusmodi Principatus retentu per sunt difficiles, eoquè magis, quò remotius absuerit Princeps: sicuti luculentissimè declarat Ampliss. Dn. Præses in *Animadvers. ad Machiavell. Princip. c. 6. & 7.* Solum autem metum solamque vim infida ad diuturnam possessionem remedia esse, & supra ostendimus, & Cicero 2. *Off.* confirmat his verbis: *Quod latissimè patet, neque ad incolumitatem solum, sed etiam ad opes & potentiam valet plurimum, id amplectamur, ut metus absit, caritas retineatur. Ita facillimè, quæ volumus, & privatis in rebus, & in republ. consequemur: etenim qui se metui volent, à quibus metuuntur, eosdem metuant ipsi necesse est.* Difficultates igitur istius generis Principatibus affines vix & ne vix quidem facilius superabit Princeps, quàm si nocendi voluntatem subditis adimat, *hoc est*, effusâ clementiâ eorum benivolentiam sibi conciliet; quæ Ciceroni ibidem *fidelis diuturnitatis custos* audit. Ita verò parari non potest, nisi ijs rebus, quæ vel honestæ sunt, vel amicis futuris aut jucundæ, aut utiles. At nulla unquam utilior jucunditas aut jucundior utilitas subditis poterit objici, quàm si de rebus suis nihil aut parum detrahatur, sed liberrimi ipsi moderatores earum maneant ac arbitri. Stolidè se hac in parte gessit Rex Roboamus, qui ineunte imperio, spretis salutaribus prudentum seniorum consilijs, perniciosissima juniorum approbatione, non modò querulis subditorum precibus de durissimo servitutis iugo sublevando non acquievit, verùm etiam digitorum suorum minutissimam

desun&i

defuncti patris lumbis majorem fore propalam minitatus est. Ex quo decem tribuum Israël secuta defectio, novique Principis Ieroboam cooptatio, uti *1. Reg. cap. 12.* memoriæ proditum est. Etiam si verò juxta effatum Taciti *4. histor. cap. 63. clementiæ fama novum imperium inchoantibus valde utilis sit*, omnia tamen etiam ordinaria tributa temerè abolere, haud erit consilium. Sic cum Nero, populo placere studens, cuncta vectigalia omitti juberet, imperum ejus, multum prius laudatâ magnitudine animi, attinuere Senatores, dissolutionem imperij docendo, si fructus, quibus respubl. sustineretur, deminuerentur. Tacit. *13. annal. cap. 50.* Quapropter omnis in eo Principis novi sita erit prudentia, ut sub ipso citra incommodum publicum melius sibi esse intelligant subditi, quàm sub priori. Tantum de ærarii ex tributis constituendi forma.

LIX.

Iam de subditorum annona videamus, quoniam scilicet pactò Principis ærarium ex hac instrui ac constirui debeat. Ubi advertendum prius est, quod Aristoteles *1. Rhetor. c. 4.* subjicit, *quanta nimirum illius copia, & cujus generis civitati sufficiat: & qua illic nascatur, quæque aliunde importetur.* Forstnerus enim ad lib. *12. & 13. annal Taciti:* Omne, inquit, Principis erga subditos sibi populos officium expietur pacis cura, justitia incorrupta administratione & annonæ abundantia. Consentit Italorum adagium, quò dicunt, panem in foro, justitiam in tribunali, securitatem ubique, boni imperij signa esse. Cosmus superior Medices, cum Joannem Annibalis F. Bentivolum ad Bononiensem Principatum capeissent, dum dimitteret, inter cetera Reip. gerendæ præcepta tria hæc præcipua dedisse fertur: annonæ curam sedulò ageret, omnibus nullo discrimine jus diceret, ab alienis uxoribus

abstineret. *Iob. Bapst. Pigna VII. histor. Atestin. Ceterum;*
quantum interfit, pacis bellicue tempore pascere plebem,
quamque impingant, qui ab expilatione & inopia subdito-
rum Principum salutem dependere existimant, supra atti-
gimus. *Fames, quippe & morabilem in nasum conciunt, ut ve-*
tus est adagium in Comici Amphitruone: act. 4. scen. 3. Di-
cimus proinde, hoc ærarii constituendi subsidium non mi-
nus & æquitate & publicâ salute oportere trutinari: id
quod primùm rectius fieri haut poterit, quam si, ut tributi
ita annonæ moderata instituaturs exactio, pro viribus nem-
pe subditorum, & pro copia atque inopia rerum. Sic quod
gravis annorum steriliū raritas ærario fortè subtraheret,
superveniens fertilium ubertas quàm optimè compensa-
bit. Deinde, cū non omnis ferat omnia tellus, Principa-
tus sui indigentiam exterorum abundantia maturè Prin-
ceps corrigat oportet, illique cum primis tempori seruiat,
quò in non procul distitis regionibus quàm vilissimò pre-
tio necessaria ista parare, & vel tutis propriarum, aut veſti-
galium immunitate alleſtarum peregrinarum navium ap-
pulsibus, vel vicinorum subditorum curribus quàm com-
modissimè invehere liceat. Tertio non legibus tantum
sed pœnis quoque coercendum est pestilentissimum cur-
culionum genus, dardanatii, pantapolæ, pantro metaboli
& seplasiarii, qui iniquissimis fraudibus attentant, onerant,
flagellant, & per intempestivam ad exteros deportationem
vastant annonam. Horum dolos accuratâ diligentia recen-
set Nicol. Montandus *lib. 3. Speculi Gallici*, & sub pœna con-
fiscationis arque exilii yerat Imperii nostri Recessus Trevi-
renſ. & Colonienſis de anno 1512. §. 16. idque non injuria,
eū aliàs istorum sceleribus civilis societatis vinculum
facile dissilire possit. Annonæ insuper certi existere cura-
tores debent, & apta conditoria.

Succedit, ut ad modum ex vectigalibus ærarium re-
 què constituendi deveniamus. Hic æque ac ceteri consiste-
 re videtur in quantitate, Politicæ prudentiæ ductu tempe-
 randâ & dimetiendâ, imprimis ex æquitate & utilitate publi-
 câ, adhibitis rerum, personarum, regionis, & temporis cir-
 cumstantiis. Per res intelligimus hîc merces, quæ vel im-
 portantur vel exportantur; vel victus & amictus necessita-
 tem, ut sunt edulia, potulenta, ligna, carbones, tela com-
 munis &c. vel luxum & voluptatum illecebras spectant:
 de quibus *in thesi sequenti*. Quemadmodum verò Hippo-
 lyt. à Collibus *de increment. urbium cap. 20.* prudentissimè cer-
 ser, Principi unicè cavendum esse, ne iis rebus tributa im-
 ponantur, quibus pauperes vitam necessariò sustinent, &
 quibus carere nequeunt, ita non minus hîc egenorum ra-
 tio quàm maximè habenda erit. Dicimus igitur, quod si
 huiusmodi res necessarias ab exteris recipiunt subditi, eas
 vel pro temporum injuriâ omninò non, vel modicè & in-
 tra modum vectigalibus onerandas esse: tum ne misera ple-
 becula aut ad incitas & restim adigatur, aut ferales cicar-
 turbas; tum etiam, ne tam indigenæ, quàm alieni genæ ab i-
 starum invectione abstrahantur. Ex quo res hæc, proprii scilicet
 usus non quæstus gratia à succitis coëmptræ, de jure civili
 Romano à gabellæ solutione prorsus immunes fuere: ceu
 Imp. Constantinus *in l. s. C. de vectigal. & commiss.* consti-
 ruit. Hinc quoque Veneti in cello antehac contra Baaj-
 zerem gestò, portoriorum vini panis & carnis augmenta
 noluisse prædicantur. Notandum tamen, si quibusdam
 fortè, quæ ad victum pertinent, divites frequentius, quàm
 pauperes utantur, ut in Ducatibus nostris vino, hæc vecti-
 galibus in se recipiendis apta esse.

Ceteris verò peregrinis mercibus invecitis, quo non sunt vitæ, sed deliciarum & luxuriæ fomenta, quorum usus divitum peculiaris existit, vectigalium impositioni justus relinquitur locus. Quemadmodum de jure civili aromata, pelles, unguenta, succos, sericas vestes, & id genus alia inanum mercium vectigali gravata fuisse, testatum facit IC. Marcianus in l. ult. §. 7. ff. de publ. & vectigal. Et propterea optimè Bodinus lib. 6. cap. 2. Quod si quis, ait, est, qui de me scire velit, quodnam genus vectigalium immortalī Deo gratissimum, civitatibus pulcherrimum, Principibus honestissimum, & plebi utilissimum videatur, illud est, quod iis rebus imponitur, quæ ad corrumpendos civium mores, quæ ad delicias, quæ ad luxum, quæ ad libidinem, quæ ad pompam spectant: aurea, inquam, & argentea suppellex, odores, pigmenta, innumerabilia vestium ornamenta, colores pretiosissimi, gemma, margaritæ, cupedia, ceteraque ejusdem generis. Cum quo consentit Nicolaus Biesius, qui in id dicit, incumbendum, ut ex tributis & vectigalibus artificiosè positis vitiorum occasiones inhibeantur: ut ex superfluo cibo & potu, sericis vestibus, & aliis ejusmodi rebus non necessariis respublica suppletetur. Etenim non sufficere maleficiis certas esse constitutas pœnas, sed curandum esse Politico, ne homines peccent, ad peccandumve adigantur, sapienter in Utopia sua monet Mororum ille sapientissimus. Unde vectigalia quis improbet, quæ chartis lusoriis & tesseriis imponuntur? Sic vectigal, quod chartæ lusoriæ solvunt in regno Neapolitano, viginti millibus aurorum locari scribit autor *Theſauri Polit. in relat. de Regn. Neapol.* E singulis quoque chartis lusoriis, quæ foris in Hispaniam invehuntur, Rex dimidium realem percipit. Præterea maximè pium & fructuosum erit sumptuarias ferre leges, quæ justam & temperantem privatorum vitam efficiant. Siquidem,
juxta

ju xta Dionys. Halicarnass. lib. 2. Rom. Antiquit. Civitas tunc flores quum privatorum res florent. Cujus generis extant in Recensibus Imperij & quidem August. de An. 1500. tit. 22. & de An. 1530. §. 9.^a item Caroli V. Reform. Politic. Aug. de Anno 1530. tit. 8. §. 17. 23. & de An. 1548. ibid. tit. 8. §. 9. item Recens. Francosur. de An. 1577. tit. 8. §. 10. & 15. Cùm vero leges sine moribus nihil proficiant, earum contemptoribus æquæ irrogari debent mulctæ; quæ hæc ratione cum vectigalibus Principis ærarium rectè adjuvabunt.

LXII.

Civitatibus porrò utilissimum censet Bodinus lib. 6. c. 2. de republ., portoria earum rerum, quæ evehuntur, augeri, investarum verò minui, si scilicet subditi ijs commodè carere nequeunt. Gliscentium namque vectigalium dispendiò negotiatores deterriti, à mercium illarum exportatione non sine maximo subditorum incremento abstinebunt. Contra quò minora investarum fuerint vectigalia, eò subditorum indigentia melius consulatur. Præcipue autem hæc advertendum est, quòd nativa Principatus bona, istiusque soli propria, ingenti quorum desiderio flagrant peregrini, uberrimam verò propter copiam haud ægrè carent subditi, vectigalibus quàm commodissimè etiam prægravari possint. At in iis, quæcum oppidò multis ipsi sunt communia, res se habere secus videtur ob præsentissimum commerciorum ab alienationis periculum. Quin potius bonorum illorum communium vectigalia vel omninò tollat, vel prudenter temperet Princeps, quòd non solum istud, sed cū hoc simul aliud commercij genus in Principatum suum derivetur, omniumque rerum *autæguna* si hæc ratione procuratur.

LXIII.

Subjicit *ibidem* Bodinus; fabrilis, lanificia sericea, ac omnis generis opificia, quæ aliunde advehuntur, maximo

veſtigali oneranda eſſe, quò ſubditi ipſi eadem fabricare & conficere addiſcant. Imò hâc aſſulgente lucri ſpe exotici opifices inſcati, in noſtrum Principatum facilè pertrahentur, quorum certè beneficio urbes dein populioſiores & di- ciores evadunt. Nam ſecundùm profationem Boteri *lib. 7. de illuſt. ſtat. c. 10. & 11. cui multus eſt populus, is omnibus quo- que abundat, quæ humana induſtria & intelligentia complectitur. Subditorum nempe multitudinem magna etiam opum poſſeſſo co- mitatur.* Cujus rei teſtis eſt Genevenſium civitas, quæ nun- quam tantis rerum omnium affluentibus copiis ditata con- ſpiceretur, niſi tot paſſim Gallia atque Italia ob religionem e- jectis hoſpitiũ & receptaculum præbuiſſet. Teſtes quo- que Venetiæ & Florentia ſunt, item Galliæ Cifalpinae me- tropolis Mediolanum, quæ ingenioſiſſimorum opificum frequentia omnes exiſtunt admirabiles, ſuòque exemplo comprobant, id quod Plutarchus *in viſa Feriæ Athenienſis reipubl. Principis* affirmat: *Artificem magni præſii eſſe hominem.* Atque hinc Plinius Secundus *lib. 7. epiſt. 22.* inquit: *Cupio patriam noſtram omnibus quidem rebus augeri, maxime tamen ci- vium numero: id enim oppidũ firmiſſimum ornamentum.*

LXIV.

Addit præterea Bodinus *civ. loc.* etiam hanc cautio- nem, quod ab informi & rudi materia, quæ extrinſecus ad- venit, aut amovendum, aut, quoad ejus fieri poterit, minu- endum ſit portorium. Subditorum quippe commoda alie- nis potiora ſunt habenda. Subditi autem ex rudi materia in opificia conformatâ longè ampliorem conſequentur fructum, quàm qui materiam obtulerunt venalem: ſiqui- dem quæ duce arte inveniuntur, majoris plerumque ſo- lent eſſe pretij & valoris, quàm quæ natura peperit. Sum- mè ex adverſo pernicioſum eſt reipubl., rudem & ſimpli- cis

cis naturæ materiem suis è regionibus ad externos evehere, adeoque vedigalium augmentatione in nativo sup loco utiliter ea detinetur: si insignes simul opifices præstò sint curentur, qui illam affabrè elaborent ac expoliant. Vbi enim materiarum & artificum abundantia, ibi haut minimum lucelli Principis ærario quotannis acquiri potest. Idque ex Bodino rectè etiam colligitur; qui Blasas ad conventus Gallicos acceptâ legatione profectus, querelas mercatorum se audisse refert, crepantium, exportationem lanarum vetitam quidem fuisse, nihilominus tamen Italum quendam ab Rege prece vel pretio obtinuisse, ut lege solveretur. Quâ quidem ratione cùm unus homo vili pretio lanarum vim infinitam in Italiam exportasset, ex materia pannos à Florentinorum opificibus confectos in Galliam revehi curavit; inde quantum pecuniarum coëgerit, ex eo percipi potest, quòd materiam partibus quindecim confectum opus superaret. Vnde asserere non dubitamus, lanarum, quas oves nostrates suggerunt, extradiotionem Principatibus nostris minimè salutarem existere; longè satius magisq̃ proficuum fore, si ad exterorum exemplar opificia instrueremus præparatoria, quibus ipsi potius exinde pannos texeremus, quàm ab adventitiis contextos ad nos reportari, immensumq̃ auctò pretio nobis venditari pateremur.

LXV.

Sed cùm tantæ artibus insint divitiæ, non de nihilo fortæan erit, hæc occasione paucula de artibus in republ. introducendis subnectere. Primùm igitur, si in Principatu artificum deprehenditur penuria, è peregrinis nationibus viros præclaros superius ostensâ lucri spe alliciat, vel promissis quibusdam præmiis ac immunitatibus accersat Prin-

ceps, accersitos commodâ sede, aliisque necessariis promoveat. Hunc ad modum Selimus I. Turca vacuum Constantinopolin & incolis & opibus amplificaturus, aliquot mille mechanicarum artium omnium peritissimos artifices ex duabus illis famosissimis urbibus Belgrado & Cairo accersivit. Poloni item Henricum Ducem Andegavensem Regem cooprantes, maximo orarunt opere, ut centum opificum familias in Poloniam secum adduceret. Deinde solertia ingenia suspiciat Princeps, præclarè inventa & excogitata magni æstimet, ac optimum quemque honorario & certâ prærogativâ quandoque donet. Tandem Chinesium instituta imitetur, in quorum regno commercia artesque ferè omnes omnium optimè florere perhibentur: idque multis de causis, quarum tamen hæc apprimè sunt notandæ. More apud ipsos receptum est, ut filij artes easdem, quas partes, perdiscant & profiteantur. Hinc quasi cum lacte materno paternas artes & commercia imbibunt: non est, quod parens eos celet aut dissimulet, quin paternus amor instruit, format, nulli neque diligentia neque labori parcens. *Nullus enim affectus vincit paternum. l. fin. in princ. C. de Curator. furios. & prodig.* Ex quo omnes artes artiumque opera tantam assequuntur perfectionem, ut nihil, quod in ijs desideretur, invenire liceat. Probant hoc artefacta, quæ à China in insulas Philippinas, & hinc Mexicum, tandem verò Seviliam advehuntur. *Boet. lib. 2. de orig. urb. cap. 8.*

LXVI.

Porrò Aristoteles à *Polis. cap. 7.* inquit: *Ut domus sunt due partes, vir & uxor, ita civitatis quoque, quæ domorum est multitudo. Debet ergo legislator & feminarum pariter ac viro-*

rum in legibus ferendū, eorumque moribus formandū rationem ba-
 bere. Sin aliter facias, & solos viros instituas, dimidia civita-
 tu pars agrosabit. Rectè igitur Vitaeus Chinenſium Rex
 lege ſancitā etiam ſemellas ad laborum tolerantiam & ar-
 rium paternarum exercitium, aut ſaltim tam nobiles quā
 ignobiles colo & acui adſtrinxit. Melius enim eſt, ho-
 mines laboribus reipubl. utilibus aſſueſci & exerceri, quā
 ut otio marceſcant, orbemque circumcuſſitent, importu-
 nis paſſim precibus ſtipem extorquentes. Unde juxta e-
 undem Boterum *lib. 8. de Illuſt. ſtat. & poliſia cap. 2.* In
 China reſpubl. optimè eſt conſtituta, panem oſtiatim
 quærere licet nemini, omnes ibi pro viribus laborare co-
 guntur. Cœci, ubi deſt de quo vivant, molis truſatili-
 bus verſandis addicuntur. Qui affectō corpore ſunt, ne-
 gotiis, quibus pro corporis affectōne deſungi poſſunt,
 deſtinantur. Soli illi prochotrophæi beneficiō gaudent,
 qui ad ſuſtinendos labores planè ſunt inepti. Idque o-
 mninò laudabiliter inſtitutum eſt, cū Princeps com-
 muniſ parentis exemplum ſequi debeat, qui benignita-
 tiſ ſuæ fores clauſas eſſe ſinit nemini, ſed cunctos pro
 ſua quemque conditione ſuſtentat. Idem itaque Bote-
 rus *d. lib. 2. de orig. urb. cap. 11.* affirmare non veretur, in
 toto terrarum orbe regnum (puta partibus ſuis continu-
 um & conjunctum) capacius, populioſius, opulentiſ, po-
 tentiſ, durabiliſ, quā ampliſſimum illud & laudatiſ-
 ſimum Chinenſium regnum, non extare. Nec ſanè no-
 ſtri Impp. hujus rei imprudentes, ſalutarem *egeſtatiſ &*
inertiæ, quæ duæ rerum publ. antiquiſſimæ peſtes ſunt medi-
 nam Conſtitutionibus ſiſ præſcribere. Evolvatur *Im-*
perij Receſſ. Auguſtan. de Anno 1500. tit. 26. & Reformat. Poliſ.
Auguſtan. de Anno 1530. tit. 94. & de Anno 1548. tit. 26. item

Bodin. lib.
 6. de re-
 publ. c. 1. p.
 m. 1049.

*ordinat. Polit. Francosura. de Anno 1577. tit. 27. Ceterum omnibus hisce & singulis probè observatis, certò nobis persuademus, fore, ut artificum & opificum examina in urbibus certatim convolitent, incredibili publicæ rei incremento. Quàm maximè verò ibi sit & idagat Princeps, ut tractandæ istius materiæ, quâ regio sua abundat, exteræque indigent, viros recipiat aptos, & ceteris populis isthoc opificij genere præcellentes. Ad summam ergo Atticâ illa sententiâ concludimus: *Ut quisque plurimas in re publ. artes exerceri satagit, ita utilissimus quoque existimatur.**

LXVII.

Redimus nunc ad illa, unde paululum digressi sumus, à peregrinorum & incolarum rebus ad personas non convertentes; circa quas quid observari hîc expediat, breviter item delineemus. Principis itaque curarum in vètigalibus imperandis haud postremam judicamus, ut, quotiescunque res tempusque siverint, subditi sociis mitius, & utrisque peregrini gravius tractentur; ne scilicet isti vanam suspicionis ansam inde arripiant, quòd extraneorum salutis unicè augendæ maximus fautor & adiutor sit Princeps, suorum verò commoda despiciatui habeat floccique pendat. Vnde plerumque dissidentia & discordia gignuntur, multorum subinde malorum irritamenta. Ex quo Turcarum Imp. è peregrinis portu solventibus rerum exportandarum decimas, at à subditis; vicesimas percipit. De mercibus quoque Alexandrinis alienigenæ decem, indigenæ verò quinque dependunt. Et in Anglia quadruplo amplius exteri quàm subditi olim solverunt. Neque minor sociorum ratio quadam est habenda, præsertim sicum subditis commerciorum legibus ac æquò
foedere

foedere conjuncti sunt: quæ temerè disturbari prohibet religio.

LXII.

Adhæc regionis & temporis circumstantias in veſtigalium impoſitione graviter attendi oportere, diximus. Quod regionem attinet, ſpectamus illam, quatenus relatione ad vicinam vel æquali vel pejori gaudeat ſitus oportunitate. Ubique igitur vicina æquè ac noſtra navigiis & commerciis idonea fuerit, vel cum iſtius Principe commerci-
orum pacta erunt incunda, de reſidentia & privilegiis iſt-
huc transferendis, vel omnia cautius gerenda, ne exter-
næ merces à nobis magis quàm vicinis onerentur, ſed
potius pro rerum qualitate, & rei publ. noſtræ comodo
exonerentur. Hòc enim pactò obtingere poterit, ut &
vicinorum & longius rêmotorum populorum commer-
cia ad nos attrahantur. Quod ſi verò negotiatores no-
ſtram regionem & faciliiori & breviori itineris curſu po-
ſunt pertingere, cautione tali vix erit opus. Deinde ve-
ſtigalibus imperandis & augendis pacis tempora ſemper
oportuniora bellicis exiſtunt. Bello enim viarum & li-
torum ſecuritas difficiſſimè præſtatur; ex quo commer-
cia plerumque obſtruuntur & non rarò etiam deſtruun-
tur. Id quod Brugis Flandriæ emporio olim florentiſſimo
anno 1488. contigſſe refert David Chytræus *lib. 23. de Saxo-
nia.* Vnde commercia reſceſſerunt Antverpiam; quæ li-
cet quàm maximè etiam hic inclaruèrit, non minus poſt-
modum bellis ſublata ſecuritate portusque oportunitate,
priſtinum amiſit ſplendorem, & Amſtelodamum iſthòc
beavit. Eandem fortunam experta eſt Novogardia, am-
pliſſima olim & potentiſſima totius Ruſſiæ urbs, circiter
trecent.

trecentos annos ab Hanſæ Teutonicæ mercatoribus frequentata. Merces item Ruſſicæ, cera præcipuè in omnia Europæ templa, inde eveſtæ ſunt; cùm viciffim Ruſſi in Livoniæ urbibus Revaliæ, Derpati & Rigæ liberè cum exteris negotiarentur, & templa propria Græci ritus haberent. Bello autem ſeptennali à Johanne Moſcoviæ Duce, Baſilij patre, Johannis Tyranni ſuperiore ſeculo terribili avo, vexata, & tandem capta, labefactari mercatorum libertas cœpi. Anno demum 1494 prorfus extincta eſt. Hæc etiam ad ærarij ex veſtigalibus conſtitutionem ſufficiant.

LXIX.

Transitum nunc faciamus ad Principis ærarij conſtituti AVCTIONEM, & auſti CONSERVATIONEM: quæ quoad finem & materiam cum conſtitutione prorfus coincidunt. De utriuſque igitur formâ diſſerere noſtri nunc erit inſtituti. Hæc conſiſtit in eo, ut duce prudentia, in conſilium adhibita æquitate ac honeſtate, & quam maximè fieri poterit abſque ſubditorum onere aut moleſtia, ærarij materies in uſum publicum augeſcat, auſtaque conſervetur. Dilucidior autem omnis res fieri poterit ex modis formæ iſti applicatis: quorum nonnullos ſaltim, & primum quidem ad ærarium augendum qui faciant, hic recenſebimus. Nimis enim ſcrupuloſè hos undique conquirere, cùm nec numerum ſerè nec ſcientiam illi habeant, & è re nata pro cujuſque prudenti ingenio facilius excogitentur, temporis noſtri anguſtiâ excluſi ſuperſedeſebimus.

LXX.

Modos hosce diſpeſcimus in licitos & illicitos: quorum utroꝝque exempla in medium adducere juvat, cum ex contrariis contraria magis eluceſcant. Ad licita ærarij augendi remedia, non tamen niſi in meliorum deſectu, primo iterum loco referimus tributa, & quidem extraordinaria,

ria seu superindicta, quæ, licet non sine subditorum onere, tamen citra ipsorum moleſtiam ut exigantur, omnibus prudentiæ nervis eſt contendendum. Id quod rectè fieri putamus, ſi præter ea, quæ ſupra ad tributorum, indiſtionisque conſtitutionem ſubmonuimus, graviffimum Cicero. *lib. 2. off. ſuppeditatum conſilium ſequamur*, cujus oratio hæc eſt: *Danda eſt opera, ne propter ærarii tenuitatem, aſſiduitatemque bellorum tributum ſit conferendum, idque ne eveniat, multò ante erit providendum. Singuà neceſſitas huius muneris alicui reiſpubl. obvenierit, danda erit opera, ut omnes intelligant, ſi ſalvi eſſe velint, neceſſitati eſſe parendum. Etenim juſtiſſimum eſt quod neceſſarium, & pia illa tributa ſunt ſine quibus reſſubl. funditus eſt interitura: ut olim Livius de bello aſſirmavit. Hinc Symmach. lib. 10. ep. 27. rectè ſentit: Cùm à ſubditu pecunia emulgetur cauto tunc opus eſt, ne aſperitas negotij effectum irritò ſolus arceſſat offeſſas: qua nulli magis quàm Principi ſunt vitandæ. Publica verò neceſſitas hoc habere putatur, impoſſibilia ut perſuadeat plerumque. Ad oculum igitur oſtenſâ iſthâc ſive pacis ſive belli neceſſitate legis neſcia, non malè forſitan Eduardus IV. Britannię olim Regis exemplum imitabitur Princeps, qui cum amicis egit, ut ſpontè ad ſumprus belli pecuniam corrogarent, ipſis perſuadens, ex ea re ſingulorum benevolentiam ſe menſurum eſſe: quod tributi genus BE-NEVOLENTIAM poſtea vocavit. Sic & veteres Germani ſponte ſuâ ſoliti ſunt conferre, quicquid penſitarunt. Tacit. de mor. German. Deinde cùm unum & commune periculum, omnibusque una ſalus fuerit, nemo privilegiatus hinc excuſatus abire debet; inque eo ad exemplum Reſeſſ. Imp. Spirenſ. de Anno 1542. f. 49. juſtè ſe componat Princeps. Haud ſecus tamen ipſius menti firmiter in hæreat D. Ware. mundi ab Ereberg. præceptum: *Ea qua neceſſitatis & utilitatis cauſâ inducuntur, non diutius durant, quàm utilitas & neceſſitas**

lib. de ſub-
ſid. regn. c.
8 num. 11.

fitas durant. Postremò beneficiorum à subditis hæc in parte perceptorum memoria in Principe non debet senescere, quò temporibus insequentibus ad publica sufferenda onera eò prolixiores & promptiores evadant. *Gratus enim est si à servo suo beneficium accepit, non tamen à quo sed quid acceperit æstimat,* ut auctor est Seneca. Abundè verò gratiam sibi relata putabunt subditi, si quod supra diximus, non illorum tantum animis, verum oculis etiam servire Princeps didicerit.

LXXI.

Secundò licitum emolumentum Principis ærario per socios & fœderatos accrescere potest: quod vel à sociorum potentiorum liberalitate ac benevolentia, vel à confœderatorum pactis urgente necessitate mutui auxilij causâ initis dependet. Hujus rei exemplum præbent Status & Circuli Imperii, qui ex convento in Comitibus vel Circulorum congressibus pacto ad expeditionem Turcicam contribuunt, uti expresse cautum est in Capitul. Ferd. III. *artic. 14.* Ita domus Austriaca & Saxonica mutuo pacto ad subsidia gerenda bello & hoste imminente obligantur, attestante Bor-
nitio, *3. de Ærario cap. ult.* Quin fœdus Regum nonnullorum cum Helvetijs de mittendis auxiliariis copiis ad regnorum suorum tutelam, Prætorisq; cohortibus ad corporis obsequium & custodiam idem, Helvetiorum opibus augendis utilissimum est. Præter ordinarias enim pensiones extraordinarias illorum magistratibus, ducibus, & privatis tantas largiuntur Reges, ut hæc dantur istas longè superare. Nec historiæ sacræ monumentis hanc ad rem destituimur. Assyriæ namque Regi Pulî Judeam invadenti, mille argenti talenta obtulit Menachem, ut sibi regnum hujus ope stabiliret, sicuti 2. Reg. 15. v. 19. est consignatum. Plurimum item augmenti conferent pacta gentilitia de
con-

confraternitate & reciproca in provincias ditionesque successione, quibus præsertim in Germania, Gallia & Italia firmum esse robur, contra juris Civilis prohibitionem; *l. 6. ff. de fin. G. de pactis* contentam, latè & rectè firmat Andr. Gail. *lib. 2. obs. 127.* His siquidem pactis non solum Illustres propitiæ, sed etiam pax & tranquillitas in imperiis conservatur, dum, quia successor in incerto non est, prævæ aliorum spes cohibentur. Adhæc quod ad sociorum liberalitatem pertinet, Principi inopia laboranti probro dari non debet, si à potentioribus quid dono auferat. Homo quippe non sibi soli, sed hominibus natus est, adeoque qui plus habet, minus habenti & alienæ opis indigo naturaliter tenetur subvenire, atque hic ab illo non minus rectè accipit. Vnde si quos socios habuerit Princeps, quorum adjumento & præsidio satis feliciter vixerit, istorum sceptræ, imperia, provincias, opes, citra tamen verum tertij præjudicium, testamento sibi relicta haud indecorè assumer, quò se suosque fortunæ benigniori submittat, sibi que potentiam hostibus externis tremendam adstruat. Sic Ptolomæus Cyrenensium, Attalus Asiæ, Eumenes Pergami, Nicomedes Bithyniæ Reges populum Romanum splendidis & amplis regnorum suorum legatis ita refocillarunt & corroborarunt, ut non tantum in principibus esse, sed altius etiam evolare poterant.

LXXII.

Tertium genus licitè augendarum ærarij opum constituent nobis Italorum mores pietatis, uti vocant, quibus tenuium egestas & inopia quàm maximè sublevatur. Exemplo potissimum queunt esse Lucensium, Senensium & Florentinorum civitatum instituta bina utilissima: quorum alterum, ut, cui civium filia nascitur, in ærarium pecuniam dotalem, quamcunque voluerit, eodem inferat momento,

nec repetere antea possit, quàm puella xlix. ætatis annum egressa, in matrimonium cui locetur: quod si contingerit non simplam sed decuplam pecuniæ summam puellæ dotis nomine ab ærarij quæstoribus recipit maritus; sin. verò diem suum prius obeat puella, quàm viro matura plenisque nubilis annis existat, qualis post excursum xlix. annum inibi censetur, pecunia illata cum usufructu cedit ærario, altera nisi agnata sit patri quæ prioris jure fruiatur. Utilitas verò istius instituti subditorum ratione consistit in eo, quod à parentibus filialibus impuberibus apud Magistratum thesaurus quasi repositus sit, ut si lapsis facultatibus bonisque cedentes dotem constituere nequeant, puellasque nubere velint, à quæstoribus depositum una cum usuris repetendo, viros ipsis facilius inveniant parentes. *Mulier siquidem dotem adfert, ut maritus matrimonij onera commodius sustineat, prout Vlp. respondit l. 20. §. 2. ff. fam. præcise.* Nec forsitan malè huic Italorum invento quædam addi poterit correctio, ut scilicet simul caveatur, ne si filiæ nuptum dentur peregrinis, amplam hanc cum uxoribus captatam prædam in suas reportaturis res publ., horum conditio subditorum sit consimilis: quandoquidem nummis hoc pacto in terras alio sole calentes evectis ærarium potius debilitatur, inter subditos verò distributis non item. Vbi igitur subditis decuplam dotem auferre licuerit, extraneos quintuplam tantum accipere non iniquum & salutare arbitramur. Teste enim Boteto, pecuniæ in ditione aliqua retentæ per census, tributa, & vectigalia, ad fiscum vel ærarium redire solent: quod lucrum unà cum nummis aliàs amittitur.

LXXIII.

Alterum Italorum ærarij augendi institutum hoc est: Pecunia ista dotalis, vel etiam alicunde collecta, ne otiosa sit, tenuibus detur mutua, hâc lege, ut triennibus usuris, i. e. quin-

quinque pro centum, quæ non minus in *Ord. Polit. Francofurt. de Anno 1577*: æquissimæ judicantur, & pignoribus ærario caveant, se creditam pecuniam statâ die reddituros; quâ si solvendo non fuerint, pignus publicè divendatur, quod persoluto debito reliquum est, debitori restituatur. Hinc optimè cavetur, ne, quibus res angusta domi, iusto gravioribus usuris à pestilenti sœneratorum grege lacerentur, aut suppellestilis distractionem alienissimo tempore ac loco indignè patiantur. Laudabilius se gessit Antoninus Pius Imp. auctore Iul. Capitolin. *in vita ejus cap. 2. tom. 1. histor. August.* qui, ut naturâ clementissimus, nihil temporibus suis asperum fecit, ita & privatorum consuluit inopiæ & civitatis cavuit ærario, cum pecuniæ publicæ maximam partem sine trientibus usuris committeret usui eorum, qui prædiis ac prædijs satisfarent reipublicæ, se ipsi poscenti cum usuris sortem rectè renumeraturos. Cujus exemplo Alexander Severus ærarium dirutum in integrum restituit, atque usuras sœneratorum ad trientes pensiones contraxit. *Æl. Lamprid. in eod. cap. 26. tom. 1. hist. Aug.*

LXXIV.

Quartam ærarii accumulandi rationem conficere potest mutuuum vel à socijs vel à subditis sine usuris acceptum, idque eumprimis necessitatis tempore. Ita Henricus II Galliarum Rex, exercitum suum à Cæsarianis fufum redintegraturus, convocatis tribus regni sui Provincialibus, per Cardinalem Lotharingiæ edixit, ut quisque è sua provincia mille viros seligeret, quorum singuli mille coronatos absque usura Regi crederent; id quod faciliè ab illis obtinuit. Atque hõc modò ter milliesauri coëgit, belloque restauratõ res præclaras non sine magnâ sui laude confecit. *Boter. lib. 7. de Polit. illust. cap. 5.* Deinde etiam à subditis expeti potest mutuuum sub moderatis usuris, & gravioribus idem

externis Principibus & mercatoribus non subditis præstita
pignorum vel prædiorum cautione utiliter fœnerari. O-
mninò autem *fundamentum perpetua commendationis & fama*
iustitiam fidemque pensi habeat Princeps, ac pecuniam vel
sine vel cum usuris mutuam præstituto tempore reddat.
Fraudandi enim spe sublatà, solvendi necessitas consecuta est, in-
quit Cic. 2. Off. Porro etiam vel à sociis vel à subditis com-
modè potest magnam argenti vim mutuari Princeps, si vel
ipsorum defectiones vel conjurationes prospicit. Extre-
mis namque periculis extrema quærantur remedia, seu ut
Tacit. 11. annal. cap. 26. v. 1. *imminentium periculorum remedi-*
um ipsa pericula censentur. Ita primùm hòc consiliò Caro-
lus V. Imp. adversus Genuenses usus est. Cùm enim ille,
Andream Aurià intercedente, arcem urbi imponere, hoc est,
jugum civibus non posset; (*Carol. Sigon. 2. de vita Andr. Aur.*)
Genuensium pecuniam, quã ferè illorum opes constant,
mutuò sumpsit, eamque gravi fœnore pavit: sicque homi-
num quæstus dulcedine illektorum opes sensim ad se con-
traxit; & urbem in ære suo, hoc est civium studia in potesta-
te habuit. *Thuan. lib. 61.* Vbi tamen notari meretur, consi-
lium istud prorsus fore irritum, inque contrarium verti pos-
se, si prædibus vel prædiis creditoribus satisdatum fuerit. In
quo hodie ab Hispaniarum Rege graviter peccatur. Et-
enim dum pignori vel ut nexam habet Genuensium fidem,
eorumque tener animos, pignori regnorum suorum redi-
tus ipsis mancipat, tribus aut quatuor annis antè quàm i-
pse eos perceperit. Ad hæc nulla hodie nec Politica nec œ-
conomica ratio Hispanum præcipit, ut Genuensibus stipu-
lantibus tam enormes usuras promittat.

LXXV.

Quintò permultum accessionis ad Principis venit æra-
rium per mercaturam, præcipuè si regio naturã commer-
ciis

ciis excedis fuerit idonea, aquis navigalibus sic satis
benè instructa, & quàm plurima habuerit exportanda.
Quæstio autem, an Principes & magnates dedecoret, eo-
rumque splendori tenebras offundat mercatura, politico-
rum concentum nonnihil dividit. Affirmantium partes
qui sustinent, sordidam artem esse eam adstruunt, & ple-
bejorum sæce unicè condignam: ea enim propter Cæsares
nobilioribus viris & virtute ac dignitate conspicuis inter-
dixisse, ne se commerciis negotiationum immiscerent; *l. 3.
C. de Comm. & mercat.* Præterea adducunt testem Imp.
Theodosium, uxorem suam his verbis objurgantem: *Cùm
me Deus Imperatorem designarit, mercatorem facere contendis.*
*Scito autem, mercaturam privatis hominibus esse concessam, ut eà
tolerandæ vitæ modos habeant. Quòd si nos præter Imperij opes
etiam mercaturæ emolumenta interceperimus, undenam subditi vi-
slum comparabunt?* Zonar. tom. 3. Ast negantium castra se-
quitur Boterus *de Polit. illust. lib. 8. cap. 14.* ubi multis clarum
certumque reddit exemplis, Principes complures maxi-
mis & olim & hodiernum commerciis esse implicitos, cum
incredibili subditorum & sua salùte. Calculum suum ad-
jiciunt. Hyppol. *de Coll. in Princip. Palatin. c. 34.* Bodin
de republ. lib. 6. c. 2. Tholosan. *de republ. lib. 3. cap. 6. & lib. 4.
cap. 7.*

LXXVI.

Triplicem verò Aristoteles *1. Polit. c. 9.* mercaturam
facit; una dicitur *nautica*, quæ navibus merces importandas
& exportandas curat; altera *oneraria*, quæ plaustris & ju-
mentis id præstat; tertia *stataria vel camponia*, quæ nihil in-
vehit nec evehit, sed domi merces suas in foro venales ex-
ponit. Priores duas species Principi cuivis decoras, imò
necessarias, pacisque tempore perutiles reputamus, & qui-
dem adeò, ut à reipubl. corpore abesse haud possint. No-
stris

stris à partibus stat Cicero 1. Off. Mercatura sitenuis, ait, sordidaputanda est; ad quam spectant, qui mercantur à mercatoribus, quod statim vendant: nihil enim proficiunt, nisi admodum mentiuntur. Sin verò magna & copiosa, multa undique apportans, multoque sine vanitate impertiens, non est admodum vituperanda. Sententiæ item nostræ favet Tholosanus d. l. 4. c. 7. Mercatores, asserens, in reipubl. corpore esse veluti ministros, bajulos, pedes, qui transferunt reliquis necessaria. Negotiatione enim suppletur id, quod naturæ deest, quò commodè omnibus sufficiat. Vid. mare lib. f. dissertat. de tur. quod Batav. compet. ad commerc. c. 8. Cum primis autem pacis tempestate utilitatem adferet ingentem: quandoquidem, bellorum dum dispendia odio habet, pacis desiderium ingenerat, cujus beneficio floret vigetque. Causa, cur Imperatorum constitutionibus Nobilitas à meremoniis quondam excluderetur, hæc erat; quia potentiam nobiliorum obstituram merciorum libertati esse præsumebant: id quod urbibus valdè foret perniciosum. Nostris autem persuasum est, inquit Forstner. ad Tac. annal. 3. vile atque nobili generositate indignum istud esse exercitium. Quæ opinio, non tam quòd omninò vera sit, quàm quòd ea Principum arte primum seminata, nunc etiam alatur, invaluit. Cum enim illi magnitudinem suam atque securitatem in armis consistere sciant; nec ignorent, Nobilitatem, semel degustatâ lucris ex mercimoniis provenientis dulcedine, abjectis armis negotia mercalia sectaturam: necessarium fuit, eam illis sententiam paradoxo proximam insundere quâ acquirere sibi emendo, vendendoque vile & abjectum, aliâ latrocinari gloriosum esse crederent. Denique Imp. Theodosij sermo de illo solùm mercimonij genere intelligendus est, quod subditis obest; quale etiam nobis meritò improbat. Sed hæc mercatorum vitia nullum mercaturæ laudibus asserre possunt præjudicium.

Quare cum Principes mercimonia exercent hoc consilio, ne tam frequentibus tributis onerare cogantur subditos, sed ut sustentent iis familiam, pauperes, rempublicam, moderatum quoque pro periculis accipiunt lucrum, sine mendacio & perjurio, sine impostura & injuria; tantum abest, ut mercatura tum ignominiae maculam inurat, ut potius summè ipsis honorifica sit & gloriosa. Scorsim verò sequentes cautiones sibi etiam atque etiam commendatas habeant Principes : (1) Ne inde commercii emendique & vendendi commoditas difficilior reddatur, sed potius subditi à mercatorum imposturis liberentur. (2) Non nisi ei mercaturæ se immiscere debet Princeps, quæ peregrinis potius mercatoribus, quàm incolis emolumentum adfert. Hæc quippe iniquum esse videtur, si potius publicæ Principis res, quam exterius ejusmodi percipiant utilitatem. (3) Totum reipubl. corpus eam honestissimè exercet mercaturam, quam singula membra non possunt. Bornit. *lib. 2. c. 1. & 2. de arar.* Sic de Salomone dicitur *1. Reg. 10. v. 22. & 2. Paralip. 8. v. 18.* quod cum Rege Hiram maritimæ mercaturæ operam dederit; ejus nempe sumptus subditi tolerare non potuissent. Quæ ratio etiam Xenophontis *tract. de rebus.* placet; ubi suadet, ut respubl. undique sumptibus collatis, mercaturam navigationesque instituatur longinquas. At consultius esse putat Faust. ab Aschaffenburg. *class. ord. 405, consil. pro arar.* si ad juvandam patriam necessariis rebus externis, Principes pecunias contribuant industriis mercatoribus; ut ita suam cum publica augeant utilitatem: quemadmodum inter Venetos, Lusitanos, & Genuenses taciturnum scribit Tholosanus *de republ. lib. 3. c. 6.* Mercatura enim totum exigit hominem, & plerumque Principes ab institutoribus decipiuntur. (4) Annonas &

similes necessarias res, quæ à peregrinis exportantur, si æstimentur vilius, coëmere Princeps potest; ut ab ipso postea tolerabili iterum pretio subditis, cum iis indigent, revenire queant. Hæc honestissimâ negotiationis specie cum laudabili providentia conjunctâ, olim Josephus Pharaonis fiscum mirè ditavit, omnemque ei terram subjecit.

LXXIIX.

Sexto, cum natura aquas navigabiles non suppeditat, maximus ad Principis ærarium accedet cumulus, si humana industria eas arte poterit adaptare. Idque fieri debet, vel canales & tractus ad minora uavigia effodiendo, uti in Hollandia videre est; vel flumina minus apta reddendo navigabilia, sicuti Brentæ exemplo propè Paravium aliisque constat, cujus aqua coarctatur interstitiis & receptaculis quibusdam, vulgò Schleusen; vel hinc inde derivando, hoc est, aliorum ab alveo pristino dimota, fluminibus vicinis, aut etiam paululum remotis uniendo: quale quid L. Vetterem cogitasse, refert Tacitus 13. annal. c. 53. *Vetus, inquit, ne pace sequem astineret militem, Mosellam atque Araram factâ inter utrumque fossâ connectere parabat, ut copta per mare, dein Rhodano & Arare subvecta, per eam fossam, mox fluvio Mosellâ in Rhenum, ex in Oceanum decurrerent; sublatisque itinerum difficultatibus, navigabilia inter se occidentis septentrionisque litora fierent. Invidis autem operi Aelius Gracilis, Belgica Legatus, Vetteremque ab istius perfectione deterruit, formidolosum id Imperatori dicitur; quò plerumque conatus honeste prohibentur. Huiusmodi insuper operum quid in propria provincia hodieque struitur à Sereniss. & Potentiss. Electore Braudeburgico, dum Oderæ partem diducere in Spream, & exinde in Havelam prædialiario transferre milite intendit, quò uterque fluvius majoribus uavigiis evadat aptior. Qui labor improbus nisi incassum abit, Elector certè & commer-*
cüs

ciiis & vetigabilibus ærario suo non leve acquireret incrementum. Sed hinc vel maximè attendenda Muciani acris & apta oratio, apud Tac. lib. 2. *histor.* Omnes, qui magnarum rerum consilia suscipiunt, assumere debent: an quod incubator, res publ. utile, ipsis gloriosum, aut promptum effectum, aut cerè non arduum sit. Nam qui tentat per artem quod est à natura negatum, is pecunia illudet; quod non tantum ridiculum, verum etiam publico cum damno conjunctum. Idem etiam lib. 1. *annal.* c. 79. Optimè rebus mortalium consuluisse naturam dicit, quæ sua ora fluminibus, suos cursus, utque originem ita fines dederis. Quem locum Fortnerus sic illustravit: Fluviorum derivationes vix unquam bene successisse, perpetuâ observatione notatum est: nec enim sibi vim inferri natura patitur. Præterea qui irritorum ejusmodi conatum exempla sciscitari non refugerit, adeat saltem Guicciardini 6. & 15. *hist.* & Richteri *axiomas. polit.* cap 300.

LXXIX,

Septimò uberrimam pecuniæ messem ex publicorum prædiorum venditione metere licet Principi. Exemplò suo id comprobat Hispaniæ Rex, qui, dum publica regni Neapolitani prædia pecuniosissima Nobilibus, cum primis verò Genuensibus venundat, fructum hoc ipso carpit triplicem: (1) maximam inde pecuniæ cogit vim: (2) opulentos accipit subditos, quorum abundantia indigentia, suæ poterit mederi. (3) Genuenses cò actiori vinculo sibi tenet obstrictos. Cavendum autem hinc omnino erit, ne, quæ publica sunt, absque urgente causâ & cum omni rei publ. usufructu abalienentur, Res enim publica in l. 3. C. de iur. reip. rectè assimilatur pupillæ, cujus in rerum distractione favor maximus est. Primum ergò accuratè exploret Princeps, an ex ærario citra istam alienationem necessitati possit succurri. Vbi consultè agat, si thesaurarios suos & quæstores publicos rationes edere jubeat, etique

publ. bona & proventus annuos ordinarios ab administratoribus cum eorundem synopsi reposcat. Deinde si, collatâ cum redditibus necessitate, requiratur distractio, expendat Princeps, num satius sit obligare, quàm vendere. Quod si enim pecuniæ sub obligatione à subditis vel etiam peregrinis, citra tamen usuras, aut non magnas, inveniri possunt mutuò, pignoratatum rerum proventus debiti fortè interibi extenuare valent. Tertiò, si commodè obligari nequeant prædia, & eorum venditio necesse sit, deliberet Princeps, quanam reipubl. minus sint proficua. Sic infructifera deserta & inculta, citra retrovenditionem, cum onerum immunitate ad tempus concessâ, frugaliter venduntur: quod Byzantios rectè observasse, tradit Aristot. 2. *Oeconomicor.* Quartò, si magis utilia & fructifera promeritalia facienda esse contingant, sine immunitate aliqua, nec in majori quantitate, quàm respubl. opus habeat, nec in perpetuum distrahantur. Quintò Principatus noviter quaesiti potius quàm veteris prædia vendantur, quò simul emptorum benevolentiam mercatus Princeps, imperium sibi conjunctius reddat & stabilius. Sextò nobilibus & exteris, præcipuè qui de republ. nihil promeriti sunt, absque tributorum & vestigalium onere veteris Principatus prædia non tradantur. His cautionibus probè observatis, publicorum prædiorum venditionem institui demum oportere nobis persvademus.

LXXX.

Octavò ingens ærario additamentum confieri potest ex publicorum prædiorum elocatione: in qua cum reipubl. minus sit periculi, quàm in eorum venditione, minori etiam cautione opus erit. Hoc saltim Principi tenendum est, quod ex prædiorum qualitate mercedis quantitas definienda sit, ne conductor defraudetur, & ejus famam dignè queat

queat sugillare. Contra conductori incumbet prædiis uti, non verò abuti, hoc est, non debet ea defrugare. Ad hæc non iniquum videtur, si cum tali onere subditis utenda fruenda concedantur, ut, si absque liberis conductor ex hac vita migret, pro anno, quò ex humanis rebus decedit, duplicem censum & redditum solvant ipsius heredes, hâc tamen lege, ut, deductis omnibus debitis & necessariis expensis, nihilominus ex hereditate ipsis supersit, quod in lucro habeant deputare. Cùm enim bonorum publicorum administratio ad quemlibet Principem, tanquam ad reipubl. moderatorem ac dispensatorem spectet, multò tutius publicis bonis onera potest imponere, quàm rebus privatorum: siquidem in his quæ publici juris, vel reipubl. sunt, suo quodammodo jure Princeps uti videtur, non secus ac privati suis bonis; maximè verò quando publicis bonis pro communi reipubl. causa utitur. Tholosan: *lib. 3. de republ. c. 4.* Ex quo Cicero in *Orat. contra Rull.* *Agrum publicum fundum pulcherrimum populi Romani, & fundamentum vestigialium* appellat. Hinc Amurathes I. agros & prædia culta, cum colonis & censitis eâ lege utenda fruenda Timariotis dedit; ut ingruente bello, cum equorum certo numero armati adessent, ac ut fructuarii seu Timariotæ occasu fructus in ærarium cogerentur, quò Principis beneficio alius succederet.

LXXXI.

Nonò summa ex scholarum tùm classicarum, tùm regiarum foundationibus ad universos & singulos promanat utilitas. Præterquam enim quod sint officinæ & seminaria rerumpubl. & Ecclesiarum, non homines solum privati, sed ipsummet etiam reipubl. corpus & ærarium ex ipsis possunt ditescere: propterea quod vestigalia & publici redditus omnes hòc modò adaugentur. Verè nam-

que D. Hippolyt. de Coll. libell. de increm. urb. c. 11. *Ut magnetis montes, exsi plerisque incogniti sint, chalybis aciem magnete fricatum ad suas versum partes: sic academia & schola, ob doctissimum eruditionem, ex quacunque orbis parte, quam plurimos ad se ex precipuis, quamvis terrarum spatio longè lateque distros, pertrahunt.* Omni autem curâ & diligentia provideat, nullisque sumptibus parcat Princeps, quò viris fama & virtute celebribus hæc juventutis Lycæa affatim sint referta. His quippe aucupibus studiosa cohors scientiarum optimarum cupida unicè inescatur. Hòc fundamentò limpidissimi isti sapientiæ fontes maximè consistunt.

LXXXII.

Decimò per media naturalia, de quibus Aristoteles *1. polit. c. 5.* agit, immensam ararium pervenire queunt fructus: Hæc verò pleraque Varro sub agriculturæ nomine comprehendit, ut adeò non tantum per eam donotet culturam agrorum, sed etiam hortorum, nemorum, vinearum, boum, ovium, equorum, apum aliarumque rerum, quæ ex terraproducuntur. De hæc agricultura *1. off. restatur Tullius; omnium rerum, ex quibus aliquid acquiritur, nihil eà melius esse, nil uberius, nil dulcius, nil libero homine dignius.* Severis itaque & frequentibus mandatis ad agriculturæ hujus diligens studium subditos adhortentur Principes; cum primis autem, ut partim agri ad communem hominum usum meliores reddantur, partim etiam ne otio torpescant. Plurimum insuper rucolas, & hòc ipsò non minus ararium suum juvabunt, si vilissimò pretiò coemptam aut ex moderatis subditorum illationibus comportatam annonam indigentibus dent mutuò, quæ proximo messis tempore cum aliquo foenore, mitiori tamen, quàm si à curculionibus accipiant restituatur. Binos verò annona hujus Præfectos constitui, non abs re fore

fore putamus: ita quidem, ut rationibus iisdem ducendis alter, qui vocari potest *Gegenschreiber* / alterum, quem appellamus *Proviandverwaltern* / observet, ne quis eorum fraudes necet, miserisque rusticis vel ipsi Principi imponat. Plura de annonæ cura & remediis vide apud *Forstii. com. ad Tac. an. 12, c. 43.* Ad summam, ergo Princeps omnes territorij sui partes benè expiscetur & exploret, exploratas eò deducat, ut terra largiatur & effundat ea, quæ tam in superficie comprehendit, quàm quæ intra viscera sua tenet abscondita; qualia sunt thesauri, metalla, & mineralia. Nam *sicut calum Diis, ita terras generi mortalium datas, ait Tacit. 13. annal. cap. 55.*

LXXXIII.

Undecimò ut non solum pacis, sed etiam belli tempori consulamus, hostem subtili ingenio circumvenire, eoque Principis ærario prodesse licet: id quod *Gratian. Valentinian. & Theodosius Casares in l. 2. C. de commerc. & mercat.* non obscurè innuerunt. Sic *Heraclienses* ad belli apparatus pecunia egentes, omnia quæ in foro venibant, oleum, vinum, frumentum emerunt, positò ad pretium numerandum temporis interstitiò. Deinceps ipsas res emptas, ante præfiniti temporis decursum onerariis navibus impositas, hostibus divendendas miscularunt. Hòc pactò pecuniam ante belli exordium acceperunt ab iis, adversus quos his adminiculis postea sunt adjuvi. Subtilius stratagema refertur ab *Haytone Armeno in historia de Chingie Chane.* Is enim, si quando civitatem invadere decrevisset, antequam detegeret consilium, ad aurum, argentum, & res civitatis captandas subijciebat mercatores, quos pretiosis pellibus aliisque rebus instructos, in illam amandabat, vili pretio ea venalia offerre jubens, quò facilius cives compararent; haud multò post mercatoribus

buscum pretio reversis, civitates oppugnabat, suasque pelles repetebat, compertum habens, nummos in obsidione infodi & celari posse, pelles verò non item. Hac igitur versutia pecuniam latro extorquebat: quod tamen factum in thesi nou in hypothesi approbamus. Tantum etiam de modis ærarii Principis augendi licitis.

LXXXIV.

Illiciti vel æquitatis vel honestatis cancellos transgrediuntur. Ad illorum classem referimus (1) impia & iniqua tributa, quibus potentiores subjectam plebem medullitus exsugunt & absorbent. Nulla enim tributa legitima sunt, nisi quanta necessitas erogationum requirit: nulla erogatio iusta, nisi quàm questuum, reddituum, tributorumque modus permittit. (2) Principum pensiones, quæ prodicionis causâ capiuntur. Sic in Comit. Imp. Worrmat. anno 1552. Princeps, nescio quis, palàm questus est de alterius Principis perfidia, qui aureos bis mille pensionis annuæ pactus, omnia Imperii ac patriæ suæ arcana delaturum se, ac modis omnibus pro largitoris dignitate & imperio adversus patriam propugnaturum spondidit. (3) Flagitiosa commenta, quibus sanctissimum nomen imponitur, pietatis specie quaesita: quale de Hieronymo Lasco Polono recenset Bodin. *de republ. lib. 6. c. 2.* (4) mutuum hoc fine ab aliis acceptum, ut qui mutuo dederunt, contra firmatam fidem temerè de sorte veniant in dubium. (5) mutuum aliis datum, ut immensum recipiatur foenus. *Ars etenim generatrix juxta Aristot. 1. Polit. c. 7. & Cic. 1. off. justè in odia hominum incurrit, quia nummo utitur tanquam merce, & ex eo, quod natura non fructificat, fructum capere. At commutationis causa factus est nummus: maximè igitur præter naturam est, nummum fieri mercem.* Hinc Cato in 1. *de re rustica: Majores nostri sic habuere, & ita in legibus posuere, furem dupli*
conde.

condemnari, fœderatorem quadrupli. Quanto peiorem existi-
 marent fœderatorem, quàm furem, hinc licet aflimare. (6) mono-
 polia, quæ subditis gravia sunt: cujus generis illud est, quod
 teste *Comin. 2. de bell. Neapol.* Alphonſus Neapolit. Rex inſti-
 tuit, dam olei & frumenti, quidquid in Apulia creviſſet, vi-
 liſſimo pretio emebat, ut ſummâ annonæ egeſtate ac inopia
 arbitrio ſuo addiceret, non permittens dominis ſuum vende-
 re triticum & oleum, donec ipſe diſtraxiſſet. Ferè ſimilis ra-
 tio eſt, ſi Princeps ſubditis mauder, ne ab aliis, quàm à ſe ce-
 revifiâ emant, & ne alibi molant, aut panem coquant,
 quàm in ſuo molendino aut furno: vel ſimile quid jubeat,
 quod voluntati & juſto arbitrio meritò relictum eſſe debet.
 (7) fluminis diſtorſio ex nativo ſuo alveo cum ingenti alteri-
 us detrimento (8) bonorum & jurium, tuendæ atque conſer-
 vandæ rei publ. deſtinatorum, alienatio. Item ruſticæ gentis
 & civitatum paſcua, ex quibus miſeri victum quæritant, ſub
 haſta pernicioſiſſimo exemplo veneunt. Ab honeſtate abic
 honorum ac dignitatum nundinatio: de qua *Plato lib. 8. de*
LL. docet: argumentum rei publ. malè conſtitutæ eſſe, ubi
 magiſtratus ſint venales: efficit enim, ut cives pecuniam pri-
 mûm, & virtutem poſt nummos quærant. Pluribus ærarij au-
 gendi modis turpitudinem redolentibus qui delectantur,
 convenient Latherum, *lib. 1. c. 5. de Cenſu.*

LXXXV.

Tandem ad ærarii Principis conſervandi remedia noſter
 dirigitur calamus. Ridicula enim congerendi ſollicitudo eſt,
 inque rei publ. & ſingulorum civium haud exiguum vergere
 quit detrimentum, niſi benè importata benè itidem conſer-
 ventur: hocque nihil eſſe aliud, quàm perſonarum in dolium
 aquam infundere, ſapienter judicat *Xenophon in Oeconom. ſ.*
lib. 5. Memorabil. Ad duo igitur potiſſimum mentis ſuæ ocu-
 los intendat Princeps, ſubditorum onera & ſupplicationes de-

treſſans: quorum alterum, ut quæ ad reipubl. patrimonium præſertim antiquum pertinent, ipſique per ſe utiliſſima ſunt, temerè ne alienentur, alienata autem legitimis quàm primum modis revocentur. Iſtâc quippe viâ Principatus mirè deformantur & infirmantur, ut iudice Symmacho, *lib. 10. ep. 10. juſtus inde metus ſit, ne ceſſantibus ſubſidiis neceſſaria deſerantur*. Quocirca optimo jure hujusmodi ab alienationem, abſque urgentiſſima cauſa inſitam, ad dominationis ſlogitia reſert Clapmar. *lib. 5. c. 12. de arcan. rerum publ., reſq. imperii non magis quàm privatorum patrimonia exaniri aut exiſcerari oportere*, ibidem affirmat. Bona eamque reipubl. uti ſupra diximus, Principi data ſunt quaſi dotis locò pro oneribus imperij ſerendis. Exemplò proinde rerum dotalium, ceu reipubl. ſponſus aut maritus, bona ejus diſtrahere prohibetur, vel populò aſſenſum præbente, niſi ſufficientiſſimè ipſi cautum fuerit. Marito enim dotalia immobilia & non æſtimata, uxore etiam vice duplici & amplius conſentiente, irrevocabiliſſimè alienare de jure civili non licet, niſi ex mariti reb⁹ aliis uxori lucrū ſub cautelâ poſitum ſit; idq; *ne muliebriſ ſexus fragilitas in perniciem ſubſtantie earum convertatur, rectè eſt ſanctum in princ. 1. quib. alien. lic. vel non. junct. l. 4. ff. de fund. dot. & Nov. 16.* Et quamvis, matrimonio conſtante, dotis dominium civile dicatur penes maritum eſſe, juxta *l. 7. §. 3. ff. de jur. dot. l. 9. C. de R. V.* ipſius tamen naturale, propter ſpem future, poſt matrimonium vel divortio vel morte maritali interruptum, reſ petitionis, eſt in uxore radicatum per *l. 30. C. de jur. dot. & l. 11. C. ſolut. matrim.* Eòdem prorsus modò dotales reipubl. res in naturali ejusdem permanere debent dominio, & poſt Principis abitum vel obitum à ſucceſſore ad rempubl. juſtè rursus devolvi. Hinc in Imperio noſtro illuſtres nonnullæ domus per familiæ pacta malo iſti rectè ſunt medietatæ. Feuda quoque aperta in reipubl. ſolutem retineantur,

cur, nec faciliè quisquàm illis noviter investiaturi ceu Imperij nostri Capitulationibus salutariter est provisum. Immen-
sas item indignis oblatas largitiones Principum, ad antiquum
Parisiensis & novum Stocholmenfis Curia exemplar, revo-
cari & aboleri, ipsa suadet æquitas. Denique cautis catisque
consiliis instructus, nitatur, faciat, experiatur Princeps: ut si
qua imperij sui membrum subdole & injuriâ corpori sit sub-
tractum, vel evanidâ meliorum expectatione seductum,
ansu & exemplo pessimo alius fidei se tutandum tradiderit,
vel peculiari jure ac more vivere contumaciter instituerit,
recuperetur, inque obsequium pristinum commodè retra-
hatur. Sic & Principis auctoritati & potentia, quæ domi foris-
que validissima regentium stabilimenta existunt, quàm ma-
ximè consulatur.

LXXXVI.

Alterum ærarij conservandi præsidium in rectâ ejus di-
spensatione collocamus. Verè enim Bocerus: *Principum,*
ait, *divitiæ non æstimari debent à magnitudine reddituum, sed à*
bono regimine; idque Ludovici XI, Francisci I, Henrici II, Ca-
roli IX, & Ludovici XII. Gallia Regum exemplis demon-
strat. In hac autem ærarij administratione frugalitati præ-
fertim ac diligenti parsimoniæ prudenter erit litandum. Ci-
cero enim 2. Off. Res familiaris, inquit, *quæri debet iis rebus, à*
quibus abest turpitudine: conservari autem diligentia & parsimonia.
Aristoteles adhæc lib. 1. Rhet. c. 4. *Opulentiores fieri, asserit, non*
eos modò, qui ad opes aliquid addunt, sed eos quoque, qui de sum-
ptibus detrahunt. Contra l. 5. Polit. *Fieri in republ. mutationes*
testatur, cum homines sua consumunt, prodigè viventes. Optant
enim res novas hujusmodi homines, tyrannidemque vel sibi ipsis
vel alteri affectant. Idcirco impensæ supervacua cum pulviscu-
lo, ut Plautus loquitur, *debent auferri: ne in necessitatis im-*
provise usum, multo minus ad levissimam quamvis occasio-

in descripte.
regu. Fran-
cia.

nem, aut subditos tributis, aut rempubl. nominibus opus sit gravare. Etenim Forstn. *in com. ad s. annal. Tac.* Melius est, inquit, comparcere, quod necessarius corporibus expendas, quàm expendere, quod novâ injuriâ à subiectis populis repetas. Deinde quàm acerbè degant multo ære alieno obstricti, elucet præclarè ex aureo Plutarchi libello, qui *de vitando usura* inscribitur, & à quovis patrefamiliâs iterum iterumque legi, expendi, inque succum & sanguinem converti meretur. Unde, licet jocò, verè tamen Germani nostrates dixerunt: Viel borgen und leyhen ist eine Vergiftung deines Erbtheils; und hat eine Stifftmutter/ die heisset/ verkaufft deine Güter: die gebietet dir eine Tochter/ die heisset/ gib sie wolffen!; dieselbe Tochter hat einen Bruder/ der heisset/ zum Thor hinaus. Anton. Hering. *de fide juss. c. 15. n. 13.*

LXXXVII,

Prima igitur œconomix aulicæ cura erit, ne extra modum sumptu & magnificentia prodeatur. Ministrantium exercitus non in aula solùm, sed in toto etiam Principatu ad modum oportet revocentur: ita quidem, ut pro Principis dignitate, proque aulæ & regionis magnitudine, necessariae personæ, veluti cooperarii in publicæ sollicitudinis partem adfuerint, omninò tolerentur, & dignis laborum præmiis alantur. Neque enim, minuendi ærarij formidine, officia nimium contrahat Princeps, ne idem ferè usu ipsi veniat, quod ægris hominibus, qui cum æstu febrique jaectantur, si aquam hauerint gelidam, primò revelari videntur, deinde gravius & vehementius multò afficiantur. Adulationem & blanditias, quæ, Tacito *histor. 1. cap. 15.* teste, *pessimum veri affectus venenum*, ita fugiat Princeps, sicuti quis, ut ne à sentibus aut tribulis pungatur, fugere solet. Principum quippe arrisores pecuniarum plerumque arrosores existere contingit. Otiosa etiam Sybaritatum saltatorum & histrionum turba ejcienda & profliganda est. Dignum præterea est providere, ut eluvies,

vies & gurgites prærupti conviviorum, epulares triumphi, & culinarum sollicitiores curæ circumcidantur. Interibi tamen optimè nobis convenit cum Cicerone, *Off. 2. valde decorum esse, sentiente, patere domos hominum illustrium illustribus hospitibus. Idq; etiam reipubl. est ornamento, homines externos hoc liberalitatis genere in urbe nostra non egere.* Est etiam vehementer utile illi, qui honestè posse multa volunt, per hospites apud externos populos valere opibus & gratiâ. Usus insuper abundantis ferici, quod margaritæ & gemmæ adimplent, artium textili-um, aurearum & argentearum vestium, si non tollendus, tamen minuendus est. Adhæc animis ambitiosis ornatarum domorum spaciis est abstinendum; nec ædificata temerè di-ruenda, aut quadrata rotundis mutanda sunt. Porro nu-merosus & inutilis saltantium equorum, canum & similium ap-paratus est coëcendus. Reditus item Principum inter digi-tos veluti dilabuntur longinqua per itinera, difficiles expedi-tiones, gravesque comitatus; adeoque in his temperamen-tum adhibere prorsus conveniet.

LXXXIIX.

Ludendi quoque modus est retinendus, & immodicæ largitionis ambitio refecanda, ne (ut Taciti verbis utar, *2. an. c. 38. u. 3.*) illa exhaustum ararium per scelera iterum supplendum sit. Fortinero namque ad Tac. *13. an. c. 1. com. haud absonum vi-detur dicere, avaritiâ & prodigentiâ simul stabulari.* Et si verò larga Principis manus non omnibus patere debet, adeò tamen neutiquam occlusa sit, quò minus eam benignitas referare queat. Egregiè siquidem Cicero *2. Off. Habenda est ratio rei familiaris, inquit, quam dilabi sine re flagitiosum est, sed ita ut illiberalitatis & avaritiæ absit suspicio. Posse enim libe-ralitate uti, non spoliantem se patrimonio, est pecunia fructus ma-ximus.* At prudentia & iudicio opus est, quid, quò tempore cui tribuas. Captatis noverum meritorum occasionibus, an Tac.

Fortinero in
com. ad 14.

Machiav.
Princ. c. 3.
sub fin. &
cap. 6.

spargenda sunt sensim munera, quæ recipientibus non mes-
sis loco habeantur, sed seminum in uberiores olim segetem
proventurorum. Ubi inprimis vitandum erit Principi, ne
beneficiis suis *aliena* novi Principatus *potentia* autor, *seipsum*
perdat, & *ne aut contemnatur aut odio habeatur: ad quorum u-*
trumque liberalitas, profusio potius, *illum facile impellit*. Con-
temptus enim nascitur ex subsequente egestate; odium ex
alienorum raptu, ad quem pauperiei fugâ adigitur.

LXXXIX.

Denique aureæ togæ ferrea arma cedant oportet, neque
unquam profunda & inexplabilis dominandi aut divitiarum
libido Principem ed corripiat, ut nullis belli justis causis adin-
ventis, speciosas prophases ementiatur. Bella enim maximis
& indefinitis geruntur sumptibus, ærarii que & subditorum
opes sæpenumero ablidunt, ut nefanda quæque opera in-
noxias cædes, stupra, sacrilegia nunc taceam, quæ secum tra-
hunt, nulla que ducis prudentia aut severitas præcavere po-
tis est. Verissimè etenim *Fortnerus com. ad 1. annal. Tac. Nemo,*
ait, Martem ita in potestate habet, ut nunquam exorbitet. Pru-
dens igitur Princeps, Cæsare Augusto duce, imperium intra
terminos potius coërceat, ne cum cane Æsopico carnem per
fluvium ferente, istiusque simulachri aviditate decepto, Phædri
cantilenam audire cogatur: *Amittit meritò proprium, qui alienū*
appetit. Belli namque & fortunæ alea, teste experientiâ, tam an-
cepsest, ut vel unius horæ spatio parva multorum annorum e-
vertat, vel certè cum de decore pedem referre compellat. Om-
nis verò deliberatio de bello tribus capitibus inniti debet:
(1) *causæ æquitate* (2) *vincendi facilitate*, (3) *viçloriæ fructu.* Joan.
Boter. *in mund. imper. de Magn. Moscov. Duce. Damnosum quippe*
bellum est cum iis, qui non habent, quod perdant. Guicciard. *s. hist.*

XC.

Reliquum est de causa ærarii efficiente, tam Principali,
quàm

quam instrumentali, paucula attexamus. Princeps ergò pu-
 blicis commodis in tranquillitate defer viat, honore simul &
 iustitia ornatus, non sit bonorum extorror, legumque con-
 tortor; sed bene partis contentus, subditorum rem familia-
 rem dignè tueatur. Sic enim juxta Ciceronis 2. Off. par est agere
 cum civibus, ut ne basta in foro ponatur, & bona civium voci præ-
 conis subiciantur. Eaque est ratio & sapientia summi civi, com-
 moda civium defendere, non divellere, atq; omnes aequitate eadem
 continere. Quò plurimum conferet, si ad Augusti exemplum
 Breviarium conficiat Princeps, in quo omnes publicos redi-
 tus, necessitates ac largitiones annuas perscriptas contineat,
 quodque diurna, & nocturna verset manu, ne supra ærarii vi-
 res confiant sumptus. Adhæc virtutum justè ditescendi in-
 troductione omnia, ad pauperratem quæ perducunt, vitia o-
 ptimis legibus mature præcidat. Difficile namque iis mede-
 tur, cum in mores abierint. Nec, uti Novell. 161. loquitur, de-
 center tantum leges ferre summo bono est, sed etiam sancita
 accuratè custodire, & ad effectum deducere, transgressores-
 que competentibus pœnis subicere. Aristoteles enim Rhetor.
 1. cap. 15. prudenter nequit: Nihil interesse, non condantur leges,
 an non observentur. At secundum Velleji Paterculi effatum, lib. 2. hist.
 recte facere cives suos Princeps optimus faciendo docet, cumq; sit
 imperio maximus, exemplo major est. Ad summam juxta Cic. 2.
 off. talis actionum ordo Principi adhibendus est, ut, quemadmo-
 dum in oratione constanti, sic in ejus vita omnia sint apta & inter
 se convenientia. Neque minis Præfecti magistratus ærarii, ut-
 pote quæstores, alijque ejusdem custodes aut procuratores,
 prudenti industria, continentia, fide & iustitia sint instructi.
 Ut enim ab corporis sanitatem non capiti tantum habitudo, sed Fora in
com. ad 2.
annal. Tac.
 & ceterorum membrorum pertinet: ita non satius est, Principem,
 quæ suarum sunt partium, facere, nisi ministrorum quoque fides &
 sedulitas respondeat. Imperitræ ergò & desidi plebi cura ista
 com-

committi non debet: cum hæc plerumque vexare & que-
stui republ. habere consuecat: nec forsitan juvenibus, ni-
si in quibus aliquid senile reperias. Vulturi togati, viri am-
bitiosi, piceasque habentes manus, & omne id hirudinum
genus procul est arcendum: quandoquidem aliàs perpetuās
inter actiones & tributorum invidiam semper Princeps e-
genserit. Nec rarum est pecunias in militum stipendia ver-
tendas per luxum & aleam à tribunis & centurionibus pro-
digi. Iterum alia fraudis ratio est, quâ legiones, cohortes, at-
que vexilla non eo, quo debebant, numero explentur, ipsi
pro integro numero stipendia percipiunt. Praeoptandum
sane foret, ut Deus cum inventis & inceptis suis omnes fon-
ditus perderet, qui nihil comminiscuntur aliud, quàm ut
suo compendio ararique & Principis opprobrio miseram
plebeculam exhauriant totam & evacuent. Omnino autem
ad laudabile Regis Galliae institutum sanguisugas istas spon-
gias exprimere non minus justum erit, quàm salutare. In
universum rivos nostros jam clausuri, tam Principi quàm
ministris ejus circa hoc reipubl. negotium autores sumus,
ut auream genuini Socratici pulli, Xenophontis dictum
nunquam non memori recurrant mente: *Quæ res nu-
mine propitio suscipiuntur, eas semper reipubl. me-
lius ac felicius cõsuaras consentaneum est.*

Corrigenda potissima.

Thes. 4. pro quorum, quarum.